

瀘溪縣志卷之八

人物志

聞之天地惟經人物其緯號曰三才理相須也故其瑰琦卓犖者或奮庸於朝或含章於野或蘊秀於中壘要皆秉清剛英穎之氣鬱蒸勃蕩其精神自足蔚炳天壤間也名賢科宦載筆允矣至潛芳隱節必壽簡編與巖壤溪山互爲映照庶幾示信來茲永彰邵勸志人物

名儒

瀘溪縣志

卷之八

人物

一

才不擇地而生地以生才而重瀘賢良崛起已章宋代當時著書立說倡理學於濂洛未起之先者李泰伯先生固其嚆矢也然因是有不遇余范諸賢烏能聲施後世瀘雖草昧荒區豈無有藻被潛德而闡汶勿耀者乎今特錄其顯著者爲之詳事蹟記里居非特彰昔賢之懿範亦以樹後學之典型

宋

李覲字泰伯號盱江祥符二年己酉瀘之東逍遙峯山鳴若雷聲聞數十里而先生生今三都赤鏡橋其所

生地也昔隸南城六十三都名賢良里父字若有母  
鄭氏於祥符元年夢二道士弈棋於戶外往觀之其  
一取一子授焉遂娠生十歲從父適田間宿東郊夢  
人以書標與之曰王狀元文集夢中以爲沂公之文  
也既而就學敏悟過人常閱書愾然若舊所歷再思  
之未嘗見也博學篤志淹貫六經存心高古履行端方竭力養親不求榮  
達倡立盱江書院講明正學師之者恒數千百人南  
豐曾子固新城鄧澗甫皆其高弟也慶曆中余靖薦  
於朝不報皇祐元年范仲淹守饒州得其禮論易論

平土書及明堂定制畱駭而異之具狀力薦并上其  
所著二十四篇明年復錄明堂圖并序以薦詔授將  
士郎試太學助教嘉祐三年用國子監奏召爲太學  
說書以通州海門縣主簿祿之代胡瑗權同管幹太  
學逾年告歸年五十一而卒有盱江集行世熙寧中門  
人鄧伯溫上其所著書得官其子參魯郊社齋郎其  
墓在鳳凰山麓明成化三年邑人左時翊上疏請封  
其塋域禁其樵牧立祠歲祀復其守者詔允之禮部  
定制歲一春祭祀以少牢有司行禮如式給子孫衣

巾以守祠祀歲頒祭胙後瀘分縣萬曆四十三年邑侯潘元勳條陳申請奉撫院允議立祠於學宮之左有司親祭祀以少牢

忠義

人稟天地正氣配以道義而植厥綱維故其精誠勁節足以炳日星扶世道匪輕也於以志之用光竹帛

宋

饒廷直字明弼由進士官鄧州通判攝州事值宋金講和割唐鄧二州屬金金迫取之公以未得命堅守以

瀘溪縣志

卷之八 人物

三

待命未下而勢日危欲去不忠欲從不義乃以手刺血印表上聞拜使者行遂自刎公學問該博嘗作將鑑論百篇後百餘年包公恢得公親筆稿乃爲序之具詳郡志雍正四年奉

□建忠義祠其後裔邑庠

裕

普斯式

元其爵

昌其漣

請入祀

吳楚材名炎以字行德祐元年建昌降明年春楚材還其鄉嶺村糾集民兵乏援失利元兵誘降衆多解去楚材走光澤被執及□子應登以獻郡遣錄事委南良訊之曰汝何錯舉楚材抗聲曰不錯不錯如府錄

所爲乃大錯耳府錄愛宋官爵今乃爲敵用事還思  
身上綠袍自何而得吾一鄙儒特激於忠義爲國出  
力事雖不成正不錯也南良愧而語塞及吳浚爲江  
西制置招討使斬楚材父子傳首諸邑益王□福州  
聞而哀之贈朝奉郎邵武境上立廟賜名忠勇

宋史本  
傳出正

德郡  
志

李淞字宗海觀之後幼穎異十六領鄉薦登咸淳甲戌進士號  
梅臞元初臺臣舉求故官淞與謝枋得固辭不就時  
稱其忠隱於龍馬峯志存孝養觀梅自樂間歌采薇

瀘溪縣志

卷之八 人物

四

紫芝二曲以自遣臞然一身因自稱梅邊臞叟捐金  
購書研精周易以續先代之遺其所著述皆關至道

見郡  
志

明

李大開字皇求中崇正丙子科武舉丁丑進士戊寅無  
爲妖亂身率鄉勇堵禦殲靖地方賴之咨授

欽依浙江前後營把總往浙赴任流賊作亂調守泗州

皇陵殄流氛於淮北 淮院贈匾南國虎臣陞寧波守  
備陞台州備倭遊擊又陞池州叅將副總兵闖賊陷

闕奉

旨勤王单騎殺賊血戰陣亾 三院移咨督學吳優錄後  
裔李復韶附學入冊送考今雍正四年奉  
旨建忠義祠入享其祀

盧溪縣志

卷之八  
人物

又四

仕蹟

人臣策名仕進不論僭爵崇卑受事大小皆當有展采亮工之思焉顧能奮清時樹鴻業其在治有名宦之祀者歸休可無仕蹟之登乎爰覈實記之庸章奕禩

宋

李山甫字明叟號龍溪釣叟觀之侄由進士熙寧六年西師取河州守香子城以功遷太學博士通判河州羌人犯城山甫與知州鮮于師中固守之凡二十七日而圍解元豐三年王韶力薦可用授作坊使權發

瀘溪縣志

卷之八 人物

五

遣澧州召對論邊務神宗勉慰久之既至蠻洞恇服山甫原情聽訟臨事敏捷所至有聲官至樞密副使

詳郡志

李參魯字孝儒觀之子行純才周能濟父美哲宗朝鄧溫伯爲御史中丞以觀輯稿上得官一子故參魯補郊社齋郎調新興縣尉在官以能稱廉察使薦爲韶州判官未拜卒

見淳熙郡志

石松字和甫由進士任嚴州桐廬縣知縣陞右從事郎信州司戶叅軍在神宗朝與司馬光文彥博呂公著

相友善不附青苗之口宦蹟所至有聲民愛慕之重  
和元年致仕

曾誼字子常由進士官至都官員外郎博文強記明於  
大體善屬文一時名出衆右爲吏平恕質慤惠愛無  
苛提舉江南東路常平同職欲增賦役民誼爭之不  
得請去遂知楚州其家故貧然公爲人節廉自重罷  
吏歸嘗闔門居不與人事或日昃不得食晏如也

郡志

黃吳老字平一號村心由進士授迪功郎贛縣西慰隨

瀘溪縣志

卷之八

人物

六

授修職郎和州錄事參軍改宣教郎知豐城縣事轉  
朝奉郎賜緋銀魚袋除臨安府北廳通判一月除登  
聞檢院兼國史編修與賈似道不合適祖母疾投檄  
歸隱廉能之譽著於一時

石致平字君任由進士授將仕郎任浙江仁和知縣有  
異政後致仕父老扶杖拔號不能去請其衣冠奉祀  
之公携父老所扶竹杖歸植乃祖石松參軍所建進  
修書院之旁遂叢生焉其竹四季生笋玉色密節齟  
齬異常俗稱爲老人竹移植他處則不生蓋公德政

之符驗至今不泯云

明

徐政字孟宣由賓貢成化甲辰授廣西恭城知縣興廢  
舉墜鋤強勸善民皆心服地接邊境蠻賊出入不常  
自政下車示以恩信六年間亂不復而作地方獲寧迄  
今民猶懷之有廉尹枋

孫琚字廷佩號廉峰曲澗公之次子自其父始居曲澗  
公學本庭訓姿性敏捷長從桂古山遊與桂文襄公  
友當弘治癸亥同兄瑾補弟子員有聲後以恩選入

瀘溪縣志

卷之八 人物

七

國學二試於省五試於京竟弗第初文襄爲首相致  
書於公欲授以美官而公不果見及文襄公罷相乃  
就選受湖廣寶慶邵陽縣丞居官清謹正直不阿尤  
善於發奸摘伏尹於訟不得其情者輒屬公公剖決不  
爽更字愛小民吏以霜雪而民以陽春及解綬耄稚  
扳轅載道若失怙恃旣歸秉恭檢而嚴取與咸稱仁  
人君子焉晚年創立義倉捐田作祭於鄉多所賑濟  
更輸糧十石零入學贍貧士藩司督學俱獎異之其  
他善績難以殫述享年九十有六無疾而終可云出

處不苟者矣

石文器字伯重號玉完得姓自春秋純臣系出宋元勲  
守信之裔登萬曆癸丑進士筮仕曲江政敏以武群  
盜恇服乙卯分較粵闈得士六人上計返韶郡大浸  
水滄倉廩請粟賑饑慮浥腐未報遂發時全活者無  
算邁內艱歸或以專擅中纒左官徘徊皖幕爲記翔  
鶴清署以見志攝太湖匝月有千歲之德民立祠祀  
之辛酉領聘分較楚闈得士七人擢李永平緣心動  
歸省丁外艱載補建寧讞決明允滯獄多所平反覈

樵川稽崇榷所至有聲以久次擢廷尉左寺遷右寺  
正適訊魏闖黨案其爰書多由手定政成棘寺卿有  
品可凌霜力能扛鼎之薦上將大用之特俾守河澗  
蓋頗牧寄之也河澗神京咽吭多巨盜公至壁壘一  
新擷具畢舉盜起獻縣勢在燎原公爲方畧擒魁懸  
賞格得相縛而盡其族攝天津道策督援兵入濟救  
名城兵不譁而民不擾各院臺薦舉治行卓冠三輔  
因屬令某墨而負牆壁公執法劾之忤當道歸家食  
十載脫躡一官遊心著作而綢繆桑梓緩急當事又

時露其鏘鑠烈皇思用舊人嘗明公忠賜環且起用  
矣俄創非常慟哭幾絕後間關百罹不詘其志公全  
其體受得爲純臣正天以全節付之也出黎元公  
寬誌畧  
世苦赤籍至是以勦畔勲得援恩免且推給伍田祀  
厥宗後族賢追慕典定於歲長至禋報云所著述見  
藝文志  
林士講號弼宸筮仕龜山發祥之地實具蘓湖作士之  
風繼令貴陽撫綏苗漢之民各得歡心雖直道左遷  
而邊徼至今頌德

傅文燿號奎垣以訓導累陞雲南廣西通判攝府道篆

瀘溪縣志

卷之八

人物

九

先是苗民獷悍叛服不常公端肅儼若神明燕私不  
苟言笑披誠布赤屏絕機心概以清淨爲理而庶績  
咸熙至其清風亮節昭然如揭苗民感泣相謂曰爺  
不我欺眞父母也蓋不下堂而治云時監司交章論  
薦例得陞轉西公以老病乞歸矣

林志道號覺原一鴻之子由歲貢任浙江嘉興府通判  
管理嘉湖兩府白糧釐清弊竇勸輸有法糧務著績  
時堂管乏人掌攝全府政務併視道篆當繁劇之會  
以一身任之裕如也撫按交薦陞廣西柳州同知致

仕林泉非公不至未嘗少干以私生平履蹈不苟嚴毅可規其亮節未易枚舉

魏名魁字公可性敏好學己酉領歲薦銓部葛公寅亮珍其文考選第一授粵西陸州知縣綰符受事政尚寬平而大綱允肅其丰裁俊偉器度弘深公實有之林樹英號茹寔謁選之日發奸摘伏仕泰州衝繁每於齷政森嚴時婉轉爲民更生粹益流躬上臺每爲敬起林世第號越軒淹洽群經守身處女任鐸青齊多方訓迪右遷滇南急流致政素履正爲金玉

瀘溪縣志

卷之八

人物

十

傅先覺字性海由歲貢授山東臨淄知縣嚴氣正性公忠自矢屢忤當事任八月免歸復文致賍欸蕩產無餘崇正元年昭雪起用而公以老謝矣

傅作興號擴懷由歲貢歷任上饒玉山訓導陞廣信府學教授博學砥行師範端嚴訓誨諸生敷教有序而士類摧風所成就按臺督學交獎其清修以母老告歸昏定晨省至髦不倦鄉里皆稱孝焉其所著述見藝

文志

黃鍾鳴字元韻號四清由拔貢任合肥知縣端謹易真

政尙寬平寓撫字于催科運精詳於博大殘封賴其  
整頓士民樂其休嘉治繁理劇游刃有餘時重鎮師  
集公婉以馭之兵輯於壘而民安于野撫按交章薦  
舉肥邑至今誦之

住水東

龔麟標號隱溪敏慧侔於李泌博物不讓張華卯角受  
方伯之知歷監延辟雍之譽而天懷古茂若不知人  
世有機械事者由歲貢授興業縣知縣轉陞廣西鬱  
林州知州不屑屑於簿書而日進生徒以講學課藝  
爲急以故地方多絃誦先是屬故多盜公至推赤心

瀘溪縣志

卷之八

人物

又十

以待之爰漸解歸田賣刀買犢綽有渤海家風

住瑞溪

許子才字全卿號仰山由邑庠例貢授常州宜興縣貳尹揖縣事勤敏廉明考拔英雋周公延儒蔣公如奇俱出其門陞岷藩紀善致仕後蔣公官建南道造廬問起居送扁曰清白高風周公典試江西郵聯謝曰德厚芳流遠官卑清白高邑侯屢請賓筵

國朝

盧夔龍字雲翼乘龍君胞弟也天姿過人學無常師雖受業於父兄而見解迥出尋常順治己亥膺歲薦康熙丙辰除龍泉司訓路途梗塞丁巳六月始到任見

瀘溪縣志

卷之八

人物

十一

宮牆頽敗士民寥落亟與邑令張招集流離各還本業府尹知其賢令攝萬安學篆學憲邵行查兩學現陷□營者數十餘人欲褫究公力白其冤再四跪請且號泣繼之以血邵察其情真慨然曰有是哉子未必得之於父者何師生乃如此乎概准令自新補考後量移松江府經廳委署縣及本府通判事廉明並著八旬告致優游林下耄而終吾郡兩學有聞訃者猶望風哭奠因知直道之在人心也異績纍纍姑志其梗槩云

汀州知府前禮部郎中年家眷弟鄢翼明拜撰  
盧 瑱字子玉歲貢生學問淹博品行端方壯年失耦  
義不再娶家居惟事詩書非公不至偃室後秉鐸萬  
載惟以文行交勉絕口不言束修飲德食和者通門  
墻矣惜未兩週以重病告休愈後遂不復出邑侯張  
稔知其賢延入署課子侄者五六載朝夕講誦不衰  
毫不知干謁事張侯重其品送扁曰金玉君子  
曾先春字子元號退巖歲進士所構制藝詩古文詞雄  
奇高渾尤精書法都人士咸珍之壬子廷試授新昌

縣廣文敦士習勤課藝非義之財視若糞土晚歸林  
泉訓誨子侄砥礪廉隅學憲王 旌扁彤廷鳴鶴府  
憲高 旌扁博學鴻儒今其孫之斌之璉之琬俱邑  
庠之棟授州同球太學生曾孫士駒邑庠士驥士騏  
士驤俱國學繩繩未艾厥爲盛德所致云

盧宗振字大誥邑貢生乘龍君長子也幼習春秋過目  
成誦十六縣試冠軍十七入泮首選旋即食餼不惟  
年少不驕且守口如瓶居家孝友持躬端恪五都李  
封翁延入西席者二十餘年次郎日彰發祥科目兩

任縣政以及知名之士皆出其門七入秋闈數奇不售遂就訓瑞昌寒氈首蓓相集課文而外惟以篤行爲先迄今瑞邑人文丕變者皆其功也後年老辭歸封翁請復館其家乃作春秋定旨叅以傳之今瀘土習春秋者目爲鼻祖云

李日彰字昭旭號豫庵泰伯先生二十三代孫髫年見知於學使王公日藻康熙戊午登鄉薦庚午授靖安縣學諭每朔望集諸生闡明修齊治平之理靖士咸服其教癸酉聘入閩闈分較吳君鐘蔡君士舳諸名

士悉出其門主考孫子未先生刊同門錄常三致意焉戊寅大中丞馬公以卓異薦授浙江武康縣尹以母憂歸辛巳服闋北上補任直隸南和次年水澇爲災隣縣畏不欲報彰慨然曰豈有爲民父母匿不上聞乎通詳各憲委官核勘請蠲免民困稍甦甲申歲饑申詳開賑又捐俸施藥以救疾苦知和五載民頂斗以祝構祠祀之丁亥以疾解組士民上請從祀名宦彰固辭泊歸足不履城市惟課子侄誦讀重修盱江家集更立義倉以賑族中貧乏者享年七十有二卒

墓十四都許坊

盧宗臣字大隣號慎庵伯龍君長子也英雋磊落博物洽聞於康熙辛酉夏入泮八月登賢書都人士咸以大用目之戊辰會試薦魁旋榜落凡六赴春闈歲乙酉暫息鵬翮秉鐸上饒大會諸生先德行次文章月有課季有程宛然蘇湖風範且目擊

聖廟傾圮不惜捐俸修葺以爲饒士倡名守朱奇其才委監府學建造復以入學諸生事俾分理焉卽學督楊公性秉秋霜於君獨煦煦然如冬日重其品也戊子

瀘溪縣志

卷之八

人物

十四

應閩省聘充同考官厥後年老解綬歸里祖道者或別以詩或餞以酒涕泗紛揮至有送瀘界者以視二疏少尹乞休時不少讓云歸後孝養繼母嚴課子侄焚香讀史外惟怡情山水消遣世慮而已迨年至八旬膺大賓薦復糾衆請修邑乘事竟而卒余忝廁年譜又予告歸得知其詳敬爲之志猶記饒士送行詩有曰

卓卓文巒插太空道高五嶽範群雄菁莪久沐千家雨桃李均沾萬里風問字未能慚立雪晤言猶

獲喜登龍客星炯炯三台上指日蒲輪屬我翁

年眷弟梅之珩撰

傅璜字璧如少穎異年十六剋於庠康熙己未領歲薦癸酉司鐸新昌一十二年日課月程激勵諸生至桃李盈門而寒齋冷署泊如也當事輕凌士子璜嚴氣正性凜若秋霜不爲少犯宐豐人誦云精神矍鑠居然泰山北斗精金良玉遠勝公孫匡衡於以贊廊廟而作霖雨猶未爲晚歲甲申解組歸壽登八十有六蘭玉盈堦其發皇正未艾云

隱逸

名公巨卿固思顯譽當世而高人碩士每甘樓遲衡門者各有所得毋容強也故有懷瑜握瑾不就寵祿而肥遯嵒巘亦有解綬辭榮歸娛菊徑而膏盲泉石窮達雖殊均曰隱逸茲謹詳核並錄以彰□德

宋

黃叔美字河清爲袁州學正年四十丁母艱歎曰昔人捧檄爲親榮耳今吾親棄背復誰榮耶遂歸隱其爲詩慷慨磊落不凝滯於物有集行於世揭溪斯爲之序曰叔美爲盱故家其先任宋爲登聞檢完其兒叔

盧溪縣志

卷之八 人物

十六

敬亦以文學知名于世

正德郡志  
往水東

危固字堅道少好學以孝廉聞推先澤遜爲庶人作隱居詩以見志曰高士隱居處迢迢綠水灣數間玉川屋七里子陵灘出入是非外醉醒文字間千鍾天子祿不肯換清閒元簡肅公薦其文除將作監主簿趙清獻公復薦之召試館職皆不就肥遯高風如陶淵明序事明晰如白樂天視盧仝孟郊輩力與齊而工

倍之

出正德  
郡志

傳汝舟字曉窻讀書好義志尚詩禮欲紹先聲乃立義

試詩會聘鄧秀實輩誘教之一時作者雲集

出正德郡志

李浩字成達號

先生逸

早嗜學領鄉舉赴京不偶歸種竹

成林日倚竹自娛惟以養母爲志篤於孝友五經淹

貫尤高於賦學

見郡志

元

陳子野隱居藍田山谷懲元季士風之靡不求利達惟

耕田讀書以道自樂終歲不入府城慕其名者咸思

親

炙其名其所居曰陳

坊若鄭村苟里然

正德郡志

明

瀘溪縣志

卷之八

人物

十七

陳希聖號思源潛心理學師事羅明德鄧潛谷二先生

頗得其宗勵志操修學崇先正不爲外誘壯年伏闕

工書不報棲遲衡門著有水芸臺稿仕學兩篇拔藏

學宮妖燬其潛德幽光至今愈耀先達以聖門狷者

流亞稱之

石珂字叔寅號振玉文器第六子也幼嶷特不類常兒

稍長惟孜孜向學試輒冠軍補邑弟子員以郡縣交

薦應明經徵辟遭時不偶卽耽志丘壑絕意仕進戊

子洪都當事以地方人才首剡公公夷然不屑人服

其智後聞帥劉公光弼專制江省因幕府薦知其賢  
欲起爲郡邑司訓隨圖疏縮邑綬公堅辭不就人服更  
其守公賦性簡淡動循繩尺程督子姪不少縱耻爲  
世俗夸毗不居積以求豐絕無貴介氣強年失偶不  
更娶每談及忠孝節烈事即欣然色喜故一時名流  
如揭蒿庵黎博庵諸先達俱雅重之暮年篤於續述  
搆家廟修世墓重刊乃父文集纂輯雲峯紀勝先代  
廢置事無不揭蹙興舉喜搆藏書史手不釋卷斷簡  
必續藏無游蠹兵燹之後一邑文獻皆賴以不墜臨

終戒子勿修佛事懼以異端滋惑此尤世儒所難能  
者□所稱鄉先生者非即

魏允公能容嫡孫幼穎敏勵志經史不與外事嘗曰人  
不讀書繼志置身無地矣年逾七旬猶嗜讀不倦惜  
齋以志歿

石覲字宣猷明貢生河間公愛長孫也懷祖恩捐田糧  
六石四斗以益祀及號扳龍髯卽溺志丘園遇非禮  
不報惟手一編經史文多感慨年旣耄猶能作小楷  
其精神尤爲希覲

魏澄字嗜古篤學絕意仕進日以好善樂施爲事里有善讀書者輒助田以佐膏火遇婚配無成者每贈金完娶赤貧負欠憐而捐償其他懿行未可枚舉

盧世傳字子欽性醇慈嗜讀至耄年手不釋卷博文洽記淹貫經傳而詩詞記序素所優稱惜抱璞不售高尚其事今上元年恩錫耆德邑侯汪觀其貌言儼然道德氣象卽獎扁曰礪溪逸叟誠齒德兼隆文行並美人也邑庠鄧天民撰有贊傳曰志存渾噩質

比珪璋沉潛乎六經之奧兼綜乎百氏之長唾珠璣而絢彩佩椒蘭其吐芳孤山梅素三徑菊黃杯酌堯舜枕寄義皇世開利名之竇先生則善刀而藏是非烟霞錮疾泉石膏肓或有意於傅岩之說渭水之姜危萃斗字桂林希舜長子積學不仕以詩文自娛嘗咏月云未審初三夜嫦娥怨阿誰懶開十分鏡祇畫一邊眉訓五子以義方幼子允明尤稱傑出

邱璟字璟玉號渾菴少失怙孝其母更虔事祖母撫諸弱弟友于脩至創祖廟課後昆嗜善若飴嫉惡若

穢修幹挺如遠巘蒼松兀傲千仞卒罷舉子業高尙  
其志誠哉隱君子也學使沈旌以熙朝遺老  
危象泰諱萃台少穎異博極羣書皆經手錄尤酷愛文  
文山先生集聞金邑陳公惟易精易理往受業焉潛  
心理學絕意仕進其先五代時德昭以危字刀下有  
厄改姓元戊申修譜延陳先生作序命宜遵德昭故  
事姓元族遂因之

文苑

蓋文章爲德行之徵淹雅乃延訪之藉匪是曷云士也  
邑雖僻□理學已有先型士之稟慧業而含英咀華  
□□□而履仁蹈義言有物而行有怕者代亦有人  
括其窮通並列文苑

宋

李□字材叔亭泰伯會子固而後號鄉先生者也□行  
孝弟和而循理信而附義□人善祈恐不□居藍田山中  
博覽諸經尤用意于詩易嘗着詩講義□□論孟子

瀘溪縣志

卷之八 人物

二一

講義惜無傳焉

正德郡志

黃曦字耀卿文章典□□越時輩曾南豐與王□書四  
愛吾子與南公黃曦皆吾鄉一時之俊也□□

本允迪字德卿號困齋朱□□□鄉薦深于經史居太  
學與朱熹張栻呂祖謙陸九淵先生講學日久有詩  
文十築諸子四書手錄大帙傳世官居上舍

本秀芳字文敏觀之後七歲能屬對十三能文十八拔  
幟場屋上京圻歸而取陸文定公第□之悵然有得謂  
如是讀書方不枉會疾革所親問焉答曰天也引手

揮婦人勿近恬然拱手而逝知府黃應龍爲銘其墓  
美其材而惜之

正德郡志

明

魏能容字个臣號洞谷庚午領鄉薦雋旨閱文清風亮  
節教授生徒講學外語不多及居貧三十年不受選  
當道雅敬重之

有著述見藝文志

王拱盤字維城號衡翊文掞威鳳養若木鷄性不爲岸  
異而言準諸禮財揆諸義孝事父母友愛兄弟產雖  
中落隣不舉火者周之里不任葬者櫬之人有冤而

瀘溪縣志

卷之八 人物

二二

覆者白之時有私竊秘不欲鳴其長厚又如此

梅溪集

壁經講義

孫景耀號震陽學貫諸家貧不貨殖于世味泊如也著  
有易旨問義地理真詮奇門秘要諸書

林世熙字叔開神宇爽豁議論亢戇下帷目不窺園落  
筆萬言立就邑侯潘延訓五子兩舉孝廉兩薦明經  
一食廩餼皆其誘迪之力生平一介必嚴百行具飭  
通邑仰爲儒宗

傅全覺字無漏慈祥□第孝友嫺睦胸富西藏手不釋卷罄產輸同氣之賍

摛文延通庠之譽賦姿清絕玉山自是照人敷論淵  
通塵尾自能服物故當時有三清之嘆厥叔文燧謂  
當處覺於晉宋之間洵有由也

鄧璫字溫如邑學生少負大志每試寇軍弱齡獲知於  
蔡忠襄公稍長又爲侯廣成先生所首拔胞弟璫卽  
次之一時推爲二難潛心經史務在窮理盡性謂堯  
舜人皆可爲雖顛沛流離弗懈也其春秋補註一書  
於五傳多所駁正而極力發明聖意至於承順親意  
友愛弟兄尤見至性蓋讀書必探其奧操行勿詭於

瀘溪縣志

卷之八 人物

二三

隨者也識者以爲厥父舜日生平見色不淫非分不

取之所貽惜壯年而卒

所著書目及換  
詩俱見藝文志

鄧璫字文孺邑學生聰穎絕倫過目成誦甫六歲夢作咏松詩云

幽人無俗懷寫此蒼龍骨九天風雨來飛去作神物

父奇之弱冠食廩餼及長確遵父訓學古不倦與兄

璫更相問難爲文雄渾高古亦爲侯廣成先生所器

重母死水漿不入口者數日未就葬嘗伏母柩慟哭

鄉人爲之感泣惜年僅二十六而卒

所著書及挽  
詩見藝文志

傅金城字方築孝友恂恂經史便便經歲下帷不輟數

藝刻燭可成而尤覃心理學不事章句敷妍著有五  
經臆補惜棄兵燹實文行兼優之士也

盧宗翰字大衛邑庠生一介惟嚴四維自勵壯歲卽屏  
絕榮利惟教授生徒研窮經史其於世俗若有鴻溝  
之割健戶一室不妄作緣偕弟宗蕃孝事繼母等於  
所生蓋狷而能孝墳箴濟美者矣

國朝

李發字和之賦性恬淡不爲岸異而胸期雪亮善氣迎  
人其於倫叙蓋性篤焉下帷攻苦外槩無關涉至四

瀘溪縣志

卷之八 人物

二四

于書義多所闡明其文行交優加于人一等矣

于志澄字條茲六歲失怙母氏林孀居五十一載克盡  
孝道少好學博淹經史素擅文名視履端方言笑不  
苟蓋恂恂篤實君子焉

吳謙字益人號牧庵性敏達讀書日可萬言弱冠入膠  
□癸卯科舉見遺以遊場登鄉薦十三郡竒之胸次

嘉落狀貌魁梧素以大業自期

惜不假年而中殞所  
著有亭亭居詩集

黃中藻字胥昭邑學生恂恂長厚不以賢知先人而擿  
文□藻□序蜚聲開府清新叅軍俊逸兼而有之

傅金門字玉署弱齡入泮再試食餼氣度馴雅語言溫

恭善氣迎人人咸樂就設絳家庭師其教業者尤多  
鼎革之際應值賓與以世亂棄不就至其爲文以宏練  
相尙大約六朝駢麗乃性所近而學所趨也兼通讀  
譜時不能已于吟咏邑侯余獨噐之壬子志書俾之  
專筆焉

魏一躍字潛生博學嗜古早以文名同其胞兄銓並馳  
士林銓以雄深古健見推躍以清新俊逸擅長一時有二  
難之目其餼於庠也與兄同其貢于鄉也亦與兄同云  
傅琦字奠石少失恃家貧廢讀□有戲之者輒自憤曰古  
人有年二十七始屈首受書者予尙不彼若也走白

瀘溪縣志

卷之八 人物

二五

其父父壯之命復理舊業不一二年而□□道成道  
成而父不及待矣後一試補弟子員再試餼於庠歷  
試罕居平等凡邑侯下車者莫不噐而禮之期其大展  
忽而賚志士論惜之撫其四弟各有成立諸季咸若  
其訓大約天顯鞠子各盡其道而無憾者也

丁元字長人邑庠生家貧嗜學博古淵通三日三試而三  
寇軍警辭逸調同輩爲之俯首尤見契於司李王公  
諱錫袞者謂其試文寇五縣六學惜遭世亂竟没于兵  
林子慶字黼客邑庠生家貧篤志試輒寇軍親詩書而  
厭紛俗淡勢利以寡營求洵儒林翹楚士君子之獨

行者也將頁而沒說者將券於其後云

魏毅字鈞，千弱寇補弟子員，嗜古博學，與二三兄弟相師友，一時咸異其才。丁世亂，棄八股業，專攻經史，大家讀獅子禪林記，亦足窺其一斑矣。兼通宮譜，諸書憫俗之佞佛，縱子女入廟燒香者，毅因世之不可莊語也。效元樂府體，作擷芳園翠屏山，以寄意。擷芳園稿毀，翠屏山現演排場，又以爲紅牙隊裏事，也。不足自存，乃旁註葩經韻語，以爲從事者指南。復屬筆錄子史古文，以訓後業。甫竟而卒，內外爲之惋惜。

林軒字克明，少貧嗜學，經史百家無不寓目，爲人如渾金璞玉，爲文則吐納風流。學既博，綜樂爲人用，求者必應，問者必答，其長厚寬綽如此。壬子邑侯余公命修前志，與有成勞焉。

魏雲中字溥，若邑庠生，篤學嗜古博，極羣書，卽釋氏內典，咸寄丹黃，積卷滿樓，坐臥其中，自夜分一寢外，雖食頃，書嘗在案，朋輩日以書癖指其腹，曰：書厨年未四旬，病劇尚手一卷讀，竟而逝，內外悼之。

盧應中字午陽南麓幼男也邑廩生中萬曆辛卯科副榜篤學力行見父事祖孝事父亦如之駐府兵監司戴聞其名聘爲西席二子受業聯翩報捷皆其教也且坐水署中四五載不妄干一語戴公雅契之每詢其由則曰庭訓本如此戴遂爲其父南麓作孝子傳傳載家譜中時瀘邑初建人文星稀力開一邑風氣謂必自一家始所以血侄從龍乘龍夔龍伯龍侄孫宗翰宗蕃宗周宗彝宗振長孫宗楚皆一門有學之士云李文敏字孔修歲貢端方足式渾厚可師人以迂拙目

瀘溪縣志

卷之八 人物

二七

之遂自號拙庵嘗言士品端而後風俗成足見其人矣傳旨言字廸高少失怙事母極孝幼從胞兄代言學初涉藝文升堂覩奧目所一見輒誦之口耳所暫聞不念於心性與道合思若有神弘羊潛計安世默識忠果正直見善若驚疾惡若仇飛辨騁辭溢氣盆涌解疑釋結臨敵有餘使其立朝鈞天廣樂必有奇麗之觀乃耄年博一明經銓授德化縣訓導而先生已先卒矣惜哉復黍外孫婿知之最悉敢寫漢書數句以爲先生傳 鄧敦復撰

鄭繼言字禹昌侍郎誠五世孫也由歲進士任興安訓

導署信州教授事文章道德士林楷模邑中咸師事焉至革除里排與有成功癸未纂修縣誌同事筆墨盧伯龍字雲子南麓之孫允中之子七歲失怙獨岐嶷不羣自孝養寡母友于兄弟外惟銳志於詩書而已年十七聘龔母爲內助紉針佐讀綽有梁孟佳致年越二旬採芹應拔爲廊廟偉器緣世變滄桑家有老母遂不忍宦遊留事業以貽孫子舉丈夫子四疊創館所延名師以教之目擊長嗣宗臣登賢書任學博仲季宗尹景春宗且皆積學有名諸孫如心錦心照

心許心廣心平必雄必上振國領袖成均食餼膠庠曾玄又磊落英多翩翩繼起鄭蘭燕桂兼而有之洵盛事也所微惜者以君孝友之德高尚之風享年六十六而催賦玉樓未及如伏生轅固作一代文獻之徵也余承乏瀘邑得借諸君子遊劇談之下羣嘖嘖於君不衰至與長嗣宗臣交欽其文行尤加禮焉每面詢遺跡必謙抑不言然玉光劍氣詎能自匿乎爰書之以誌表揚大雅之意云

文林郎知瀘溪縣事蜀西汪雲鵬撰

見有竒窮割枕者嘗抽金以濟敦行古道其殆葛天  
以上之人與

魏文潢字卓公號澄齋性剛介疾惡如仇雅不諧于俗  
自少潛心理學以斯道爲己任創澄心書院引掖後  
進好著書往往發先儒所未發居家立課程每朔望  
宣讀 聖諭繼父爲族尊遇事判曲直不少徇家故  
貧有勸其爲子孫計者厲聲曰變節干謁寧餓死弗  
爲也長吏慕其風謂爲眞孝廉強赴賓席以礪世磨  
鈍焉康熙癸亥泊今庚戌兩修邑志公父子俱有成

瀘溪縣志

卷之八 人物

二九

勞亦盛事矣哉所著作見書目

周 清字立夫邑庠生嗜學能文試多雄其曹娶傅氏  
賢优內興家嘗減衣食以惠貧者敬養雙親人稱孝  
子孝婦

鄧之□字千人中子先生令嗣也性閒靜寡笑言終日  
閉戶齋居穆穆如泥塑人甫弱寇卽補弟子員食餼  
膠庠一時具有白眉之目乃素抱未展而卒群爲惜  
之盧宗臣撰

□□□□號完美邑廩生少孤力學夙負大志石

□□□□□□□□學於家常稱之曰丰骨稜峻品行  
□□□□□文章允足儀範一世及卒誦于衆曰毓元  
□古一君子也歎息弗衰厥後子作舟孫彩彤輩不  
暫先緒皆公貽謀所致云

周思緝字公敏由諸生入太學甫踰晬慈父見背兄應  
兆復早世撫親諸姪九婚教身任其勞嘗寓鳳林左  
有祝姓鬻妻抵欠代售橐金二十兩生平長物樂以  
濟人卒時有券五百餘兩盡爇之迄今鄉里慕德猶  
嘖嘖不置焉

鄧之鳳字羽君號棲梧郡庠生八歲失怙惟祖著齋先  
生是依弱齡卽受知於邑侯張寇童子軍生平嚴  
氣正性不干公門不趨世路惟諄諄孝友是訓鄉里  
貧乏者周之嘗自語曰黃流不注於瓦缶嘉福不載  
於淫人誠格言也

李先發字湘玉號潔齋邑庠生事嫡母待病三載不假  
僕妾力歲甲申石穀千錢傾厥賑饑宛然羊舌之仁  
也至若肩公務革里排壽名於石此其彰著者與  
林際清字以平號白庵繼勳先生幼嗣也豪俠好義樂

□□□□見日□同志講明程朱正旨著有莒山集  
□□徒號爲莊山先生

□□懋字其升氣概軒舉篤於孝道每親意有所向悉力致之且資學英敏弱寇餽於公居常以僻處耳目爲隘爰偕兄日新侄珽歷覽山川風土遍謁吳夏雲間諸名宿曠然有得遂發諸篇章有旭堂新藝遇字草諸刻且生平剛果戊子寇變焚家廟戮士女毅然以君父難矢報卒捐軀於不顧斯所謂忠孝節義之士先文先武人也

瀘溪縣志

卷之八 人物

三一

魏士泓字宗沂恩貢工帖括文從字順遇荒歉平糶濟貧人皆稱其忠厚年踰八十卒

許士弘字一先號道巖康熙乙酉秋餼滿應貢試學使劉故遲其期諭令先塲屋事遂獲雋焉少孤極孝垂老不失孺慕心生平讀書修品不與外事惟循循誘課後進尤契周易增刪凡三易稿真文行兼優之士李元勳字念功廷棟次子弱寇食餼敦倫睦族善氣迎人邑苦大差偕于佑等請袁侯申詳各憲革除里拱厥有成功且精岐黃藉其活者甚夥邑侯常獎匾

濟世鴻儒乃將貢而卒鄉邑惜之長子昇邑廩次顯次晟次國幹俱邑庠幼國正嗜學早世真一門文行與至其胞兄之榮亦□年入泮罵賊身亾尤稱卓卓石瑯字呈潤號育煌髫年食餼時瀘邑新建道試無一等瑯毅然首呈學憲面試盱江賦從姑詩卽准寇軍越數年土寇躡瀘地舉爲總練綏靖地坊與有力焉惜未及貢而歿

許子良字貴卿弱寇借弟子才竝補弟子員時益府慕其賢特選公第三子建元爲儀賓賜親藩懿戚及大

夫第匾額次子連元邑廩生淹貫經史光長詞賦隨叔才宜興任與周公延儒蔣公如奇諸名人友善

盧宗楚字大珩邑貢生應中長孫品行端方問學淵博教授生徒不下百人皆知名士館居數十年足不窺園靜悟有得將終時作別親友大笑而逝

- 徵邑廩析理深細博洽羣書雅慕五柳先生高致
- 側結亭植梅五株中雜一柳啣觴賦詩以自娛號
- 著有日涉語錄數卷享年六十二臨貢而卒
- 字梅逢髫年食餼試輒冠軍爲文秀雅絕倫至

今猶膾炙人口癸亥同修縣志輝流楮墨生平孝友  
父母喪葬之費獨力任之教授生徒皆一時知名士  
嗟乎何大志無成而一貢之終厄耶

孫 釗字威遠邑廩其先人据好善樂施輪儒學糧十  
石曰吾子孫當必有以文名稱者至釗好學不倦每  
試不作第二人時以文名見重邑侯衛 造盧請謁  
邑侯王復徃拜釗始終相高以道未嘗一爲晉接而  
教授生徒皆知名之士緬其風徽殆穆然於橫渠滅  
明之間

- 鑑字光遠號肅菴明經士也精徹理境羅□羣書
- 束修又常抽襄解紛無吝色亦無德色臨
- 償之質書火焉都人德之
- 省菴邦屏長子天性孝友氣度宏深修族睦
- 八紛有隱德焉素負大志苦手顫退居林下課
- 先德行而後文章且謙光處衆古道自持撫
- 光齡自襁褓以迄成人多費苦心而齡亦
- 書樹品循循若處子然弱寇採芹旋食
- 與□後□而逝先時邑侯王肅請選

□□□□廟□□□□□匾額沈侯白侯兩舉賓  
□□□□西邑□□□□□□黃推薦大賓時年七十  
□□憲傳□□□□□□前沈明府摘句贈云芝蘭氣  
□松筠操稽□□□□樂才生平大概如此

盧必上拜撰

□言字□祥號帝□幼穎異弱寇食餼酷愛經史尤  
熟左傳爲文逼□之本學司鐸李贈聯云辭藻傾三  
峽文章貫九經邑侯樊觀風首拔每以大噐相期性  
敦孝友父□篤告廟請代天道無知竟隨父卒卒時

瀘溪縣志

卷之八

人物

三四

語家人曰我必上諍冥司挽父三日不返始掩棺不  
知者嗤爲亂命有識者服其純孝

盧 珽字子伯號啓文邑廩生志氣浩然作述遠大不  
規規於淺近耳目間輒借其叔日懋日新訪學於鹿  
城婁東長洲名區與李繼貞顧錫疇周峇雍諸大家  
較衡文藝著有古學彙纂行世後戊子土亂爲族禦  
寇而死又可謂得死所者

盧 琰字子威號慎齋邑增生英敏嗜學制行端方公  
是公非畧無曰附殆所謂三代之遺直者至其篤孝

友敦嫻睦重義輕財出不計償尤今人所難邑侯常重而嘉之獎其匾曰學海猶龍

徐日旭字伯先邑廩淹貫經史素有大志發爲文章一皆閎中肆外且慷慨赴公邑侯李卽龍敬禮焉乃臨貢而卒伯道興嗟惜哉

邱君諱鑑字子監號愧夫璟翁年叔長裔也幼以穎異聞蒙師授以四書經傳便默識不忘十歲師發篋得制藝數十篇大異之比長與予遊先兄宗梧先生門識力倍進食餼走棘闈者十二癸卯選拔於學使

瀘溪縣志

卷之八 人物

三五

沈年七十猶攜門徒子侄角藝三場銳如也生平善誘後學自瀘暨黎川邵建諸門人登科第者頗夥凡修學宮葺城池諸大亨多資其力居鄉每立標榜無問文人端士桀驁不馴者□樂齒其名著有四書撮義忠孝小學摘言大學衍義條說及左國莊騷史記八大家釋解皆手錄成帙至邑來一書嘗有意修補惜不及與因約叙大概俾後學知所楷模云

盧宗臣撰

林漢章字介禧邑廩生承歡繼母友愛諸弟志潔而品

高處事多明決尤精于醫道應手輒愈弗計其耐少嗜學教授生徒先德義而後文章遊其門者多正直之士

鄭 偉字正叔繼言幼子廩膳生寄藉興安其文章德行郡縣交推母病不解帶父死官署盡哀極誠興安士咸相感服至扶孤危濟貧乏鄉里悉嘉賴之

傅作舟字若濟號巨川邑增生幼失怙恃挺然自支且天資英敏能讀父書童年卽負文名一時有國士之目生平不侮鰥寡不畏強禦慷慨果毅之風高人一

等誠士林柱石也且義方式穀竇桂呈芳嗣君曰彩曰彜曰彥曰彬皆名噪儒林仲君彤膺丙午鄉試薦直所謂光前裕後振振繩繩者

鄧天章字雲倬號偶峯可權長孫之俊令嗣也少孤能承先志奉母訓年十六噪鬢序三十貢成均性慤而公正凡有關名教民生事輒首倡之且好學能文章發爲詩歌如水倒三峽瞬息千里嘗欲彙本支六代文稿爲一家言以課後人未成而卒

魏光龍邦屏第三子邑庠生博學強記寢食于諸大家

爲文雄深古健不落時蹊學憲王 取冠多士刊其  
藝以行世生平剛方正直鄉里稱爲懃菴先生堂弟  
光衢光穉長子得中蚤歲成名皆誘課之力也

魏 紫字平子邑廩家貧苦讀試輒冠軍教授生徒文  
名遠播年六旬臨貢而卒士林惜之

盧必上拜撰

邱 鍵字子建號毅菴邑廩生幼承庭誨刻意礪琢兩  
試冠軍補弟子員雖屢躓棘闈而意趣勿衰性溫和  
孝友自家庭以及里黨未嘗少露圭角逝年應貢咸

爲扼腕

魏君光穉字式九號志齊邑廩膳生邦鼎翁之幼子迴  
內兄也以藐然孤克自振拔難能也君生而矜氣節  
常以第一流人自待矻矻乎覽遠鈞玄居然文章家  
匠石爲師而踞道尊嚴故服其教者雄文陣何奇鬼  
操柄屢薦而賢遺歲己酉首事里之舒家橋神敝而  
抱志死矣於戲橋與是亦猶黃公酒壚舊也

石迴瀾拜撰

李夢日字英男別號百田耕夫食餼膠庠淹貫子史性

□□勤讀家素貧所購書充棟戊子辛卯兩以五經  
□□偶勵志愈堅借弟增生夢月字英奇者敦孝友  
□世路爬羅經籍扶翼後進自瀘暨新南門徒雲集  
□五經括說纂四書集要皆經辛卯房考王廖二先  
□□點詞賦文藝俱成頁窘于棗黎資惟月手訂經  
□□方醫書已刊壽世此鴻儒而稱二難者也

于佑字右人志澄次子也少負經濟雄才甲寅耿逆建  
屬邑皆被蹂躪而瀘獨無恙者賴佑於閩疆先事圖  
維時有土弁擾村落擄男婦二百餘人佑緩頰於主

者卒得脫難瀘民糧被僞徵者累年定後追積逋佑  
公叩部院涕泣陳情乞 題請得沐全蠲郡守奇其  
才有國士之目後清學規立滾法皆經其擘畫上鄉  
水道小溪石嶙峋不通舟楫集衆貲鳩工爇鑿而溪  
流差順今水次漕運利焉曩苦充當大差值役輒傾  
家產沿襲蓋數百年矣佑集同志紳士屢呈 各憲  
革去里排名色公定畫一條規安上全下至今賴之  
且淑氣迎人而才智敏捷有奸人欲作崇者望風却  
步族里中凡有以字投 官者必爲剖息死之日父

老攜壺殮以祭者纍纍於道居學宮最久有勸世戒世文各十條行於時

黃棟字大彥號平園資穎學博年十六補弟子員越四十二應康熙己卯歲貢撫臺馬以英年籲俊目之且恭讓仁恕弘獎後學鄉里尊之而遇事尤長幹理革里排修城郭皆與有力焉

邱鏜字子奇沉潛君子也讀書足不出戶一切塵囂避之惟恐後可云精金良玉見而知之視道學人尙有火氣過之遠矣

魏嗣英字可超號幹菴國學生性耿志卓公正不阿且爽豁過人持論洞見原委遇事確有權衡凡邑中之公舉都內之忿爭不惜任勞任怨始終不倦迄今感服者衆

高山字唯謙黼庠氣量閒雅矩度不踰明季濁亂遂甘遺逸日倚花竹自娛終身不至城市嘗訓其子曰遇合有數不可強也唯以詩書世其業譬之農夫力田豈爲不逢年而含耒耜哉厥后幼子士進頗紹箕

魏 彥字士美邑庠好學不倦有四書抄疏曾三易稿  
皆經手錄爲人渾金璞玉機心機事不設靈府自號  
陶陶山人

林嘉模字剛中號健菴沉渾精密癖於書寢饋經史以  
秦漢佐之尤澄心時藝體製氣息一規撫唐歸陳金  
諸大家生平爲文不下千餘首擇其最彙稿三百篇  
問世自童子迄明經大小百餘試輒爲首屈其兄嘉  
彬震孟父亦篤學能文雅相友愛而人年介七十依  
依若孺慕時終日杜門對坐惟率諸子弟敦天性講

文藝而已晦翁云行住坐臥不離這箇先生之於書  
有焉長公云四海相知惟子由先生之於兄有焉學  
博弋公居邦贊之曰九龍蜿蜒昂藏首五鳳翱翔披  
健翮兩山毓秀果離奇前產哲人名泰伯嗣厥徽音  
溯伊誰約有一人恰合拍道德容貌竟若愚經史饜  
飫耽其癖南樓遣興踞繩床北窓高臥閒讀易臯比  
譚經授生徒金門待詔曾射策夜燈紅處課兒曹偃  
室非公嚴屏跡一片天真直渾然不見些瑕允全璧

譚昌言字惟正號禹拜邑庠生讀書授學理□□□□  
侯區公余公俱獎以扁一曰芳賢□□一曰金玉□  
林品行文章茲可想見

石映奎字璧次生而岐嶷聰穎過人弱冠卽受知於□  
兆魯先生鮮不謂其克紹前徽乃以數竒竟老諸生  
中生平積學操行尤深達世故精通治體邑自寅卯  
兵燹之後諸凡草創蒞斯土者一時莫得其要領所  
有因革事宜咸就正焉而君亦爲之斟酌調劑罔不  
得其當嗣是凡有修舉總以得君一語爲定邑之先

瀘溪縣志

卷之八

人物

四三

累於里排值役者幾蹈破產鬻子之慘歲戊辰君同  
諸首事先定議於邑侯袁 繼條陳於司 院 准  
定條編永革里排邑人至今賴之

盧心錦字元素宗臣先生長嗣君也幼失恃克事繼母  
母亦樂融融待之善每瘁力於學高自位置父喜謂  
其弓冶可紹惜數厄僅以一青衫老至其履豐席盛  
自視歛然人有犯者多不校是殆金玉其品而河海  
其量者歟

林一清撰

武烈

赫茲武烈媲美文謨其大者如奏膚公勒彝鼎剖壤分茅顧不皇哉而未可幾矣乃或疆土有寄捍此一方膂力無愆衛我父老俾里社晏如延芳齒頰亦云壯也可不載登

梁

周廸持節壯武將軍高州刺史封臨汝縣侯侯景之亂鄉人起兵廸勇冠軍中衆推爲主朝命以廸爲臨川內史時民遭亂□皆□聚□爲盜惟廸政教嚴明所部獨務

瀘溪縣志

卷之八 人物

四四

農桑各有羨儲鄰郡乏絕者皆仰給焉廸性質樸不事威儀授繩破蔑旁若無人訥于語言而襟懷質實人皆四之綱目

唐

黃表字宗遠以武功授列郡鎮將繼爲□州都軍副將後爲撫州畱後兵馬節度使賜□□魚袋金紫大夫上柱國表以忠勇自許雖搶攘之秋猶以臣節終世居□溪卽今七都麾下

鄧瓌僖宗時同李克用破黃巢有功特拜爲帥至莊宗

同光元年官拜左僕射金紫光祿大夫上柱國行尚書省事二年加授威軍節度使明宗天成元年又任檢校太子祇肅賓客兼殿中侍御次弟堪官右僕射銀青光祿大夫幼弟玲官團練使武節大夫兄弟三人俱登臺閣

蔡苑廣德二年甲辰進士任樞密院後以武功封天下都統兵馬卽學士蔡允恭之後也

今十都科頭人

高日華字登衢以武庠爲湖東道中軍豐輔長髯聲匿洪鍾益藩招呼墓祭響振山谷深器之詢其能自奏頗嫻騎射亦諳擊刺崇正十七年出汛應譚授以千總子三曰以上曰新明曰山俱邑庠

篤行

吾人受賦函輿特鍾清粹秉正性而蹈恒理蓋有由也然而得全得半未易概幾彼夫懋德鴻交慧心懿質居然純備尙已固有負資渾穆悃愾無華而亶亶於倫物之間亦有清風勁節高躅遐騫而皎皎于塵埃之外瀘山岬屹而水淪漣稟賦清剛宜其多所發皇矣先當登記以勵品行

明

孫奎字啓文號曲澗居士弱冠補弟子員積學敦行二  
□□逝廬墓六年哀毀踰節未嘗一履家庭以閉闢

瀘溪縣志

卷之八 人物

一

館□以延四方學者日廩餼之居嘗喜吟咏每策杖泉石間有得輒書之今傳有曲澗集史記辨纂堪輿家醫書及孫子兵法數卷

傅洋字元盛少負奇氣八試不偶嘗著書立說尤精易學有寇潛伺期夜至公占易得暮夜有戎遂遁免事母至孝侍寡嫂極有禮節族長謀繼挾以威力公持正不屈壻以貧故鬻地者捐金償之歲大饑出穀賑濟以千數與兄灤瀾並稱三俊號曰南坡先生

出副使王

傳

曾漸字時進號海阜敏達慷慨綽有文譽以例貢兩試北闈弗偶俛就銓選任閩縣主簿清廉守職以德化民秩滿致政同寅及士民供帳遮道不忍別歸建廣濟橋增田贍義渡壁家廟修先塋定祭義創立衆規長幼翕從時甚德之及卒哀念不忘舉世胙以報功其傅汝掄字材卿幼有大志嗜學每至夜分下筆千言立就試有司輒寇諸生家素饒凡所貸負不責償即償有羨必歸之居常戒子姓謂諸凡當存造化不盡之意其謹厚類如此事母以孝聞庶母有孤撫愛篤至及□推產必先膏腴一無所私日授生徒數十講論

瀘溪縣志

卷之八 人物

二

不□一時學者傾誠嚮往號曰三源先生

出副使邱浙墓志

傅汝楫邑學生春闈之曾祖也潔己晦跡不履公庭事

庭闈盡孝敬處鄉黨極公平年登七旬之五身無一

屑之非德行素修於閭里鄉飲四請於明堂

出按臺獎語

鄧大成字伯成居家孝友訓子義方嚴交遊重然諾遇

事慷慨義形於色洵有古賢豪長者之風焉子維屏

孫旭日俱邑增生化日選貢曾孫可權丙午舉人

傅臺字南有邑庠生溫恭孝友豈弟慈祥其天懷恬愉

若坐人於春風中而飲之醇卽規子弟亦無疾言厲

色而一以長厚爲訓嘗誦古詩曰不作風波於世上

自無冰炭到胸中其自信有如此

鄧維屏字煥章號清宇邑增生好學力行動循矩度足跡不履公門以讀書自娛於紛華勢利澹如也遇橫逆

之加輒笑受之人服其雅量

子化日選貢孫可權康熙丙午舉人可大歲貢

鄧旭日字晉明號玉麟邑增生明敏博學賢孝著聞至於剖決是非人稱其直明晰義利人頌其廉遇事慷慨敢言綽有古人風子若孫克振鬢序咸歸公德云龔世文字質中號醕雅弱冠遊庠敦行好學屢試棘闈持己訓後皆以古人自勵生平無疾言厲色每好行陰德事九歲函捐金穀以賑族里之乏者更粥諸塗以濟

瀘溪縣志

卷之八

人物

三

道瑾施濟之心髦年勿怠後以長子麟標贈文林郎魏時耀號養恒性豪俠輕財好義敬禮豎士大夫遇事樂爲人排解族黨子弟有資高而食貧者輒贈金以佐燈油費其方嚴不苟徇物情嘗慨然曰吾儕不能以詩書砥礪後進族姓何由光大鬻產延師課子非漏盡不敢寢其素行有如此

林一新號正吾稟性寬和於族里煦煦無忤廣濟博賑無所繫愆於士林尤崇禮之至孝友性成敦睦備至正三古之遺也

盧宗周字大武邑庠生幼失怙克自振拔博學砥行恪

遵祖訓躬行孝友接物謙卑人無間言戚里有乏者  
咸藉以舉火惜未幾強仕齋志以沒子二長心簡次  
振邦俱庠生咸繼先志簡曾修邑乘  
傅代言字弼高邑庠生性敏嗜學博極群書行誼端方  
每以古人自期天性孝友父病篤嘗糞知其不起哭  
禱北辰請以身代及父歿哀毀骨立三年不御酒肉  
事繼母顧氏孝養備至撫異母弟教育兼隆邑侯陳其  
勲開其事而贊之曰予讀孔門賢閔子以其不間於  
父母昆弟之言爲難今弼高豈不爲其難者乎記曰  
博文強識而讓敦善行而不怠弼高有焉

吳晟字紹懷闊達有度禮賢重士嘗爲人排解即有非  
禮之加亦不與較曲直其氣字爲鄉里推服焉

鄭世綸號育寰少穎異嗜讀母氏潘孀居三十餘年定  
省無遺母疾篤禱以身代即愈其孝誠感格如此爲  
人慷慨倜儻凡遇不平正直厲言以道之里有貧乏  
爲之周給自持端方訓子必以大義嘖笑不少假遇  
年高有德賢人君子輒敬禮焉族里至今頌之

石文珩警敏嗜讀弱冠補弟子員事繼母李氏以孝聞  
病篤珩衣不解帶親調湯藥禱以身代而遂獲痊邑  
侯梁申請 上臺給匾賜粟獎其孝行

石鳴鳳字岐孟邑庠生文器長子少負英才資性明敏  
髫年補弟子員勵志棘闈樂善好施助三溪橋工銀  
叁百兩惜以妖亂而廢未竟其功邑有苦鹽榷之微  
者代爲完納而不責償其德行類如此

傅璽字懷泉瑰琦卓犖嚴毅不回其平昔急病讓葬多  
所推解而繩人以正不務苟徇子弟有蕩不受業者  
憚之至義方式訓三子四孫皆著聲鬻序誠先正典  
型不波靡干流俗者也

傅臯號念橋篤叙彝倫尤敦友愛父早逝鞠四弟恩義  
備摯逮成立而推腴受瘠有若薛包課幼弟名噪膠庠允孝友性成者也

瀘溪縣志

卷之八 人物

五

林世盛號肖中邑庠生博學多識和易近人生平以禮  
義養心以孝友敦行惠愛及人坊表率物年踰八旬  
德日益邵有司推舉鄉飲上賓獎扁恩榮齒德

魏名大字匹凡庠生質直好施于樂引後進遇事贈金爲人

排解歲荒減穀價濟貧乏御史邢公旌其廬曰善亡  
鄒智達字繼東端慤性成孝友誼盡以仁讓裊躬詩禮  
課後其裏貲修家廟置義田爲光裕計者至周遠也  
且樂善崇儒輕財仗義歲大禊捐穀以賑貧乏妻吳  
氏炊粥以舖流移時全活者甚衆鄉里咸稱善士厥

子衍泗弱冠補弟子員而文行兼優義訓篤至諸孫幼負才名發皇未艾皆世德相承積厚流光之徵也鄧玘字登公邑庠生好學力行天性孝友父母有疾則涕泣不已至不飲食不成寐年至三十孺慕依然尤和於兄弟信於友朋里有貸不能償者卽爲免之路有遺者拾而還之年三十一身而卒人惜其爲善不見於身謂其必昌厥後也盧士信字體乾邑貢生衣冠儼肅言行方嚴毅然以維挽頽俗爲己任故其鄉咸懷好音迄今彬彬矣至其闡明書義一凜朱程當時文宗以湖東扁等器之爰

從學歸如流水蓋士林人宗也

林雲游字繼岡號少山不言而躬行有囊而濟衆璞玉渾金粹然無議德積慶餘厥子應鵬能紹先業至孫芳遂登丁酉賢書爲興朝首雋焉

傅仰泉事母以孝聞母中年雙目瞽每出入必捧抱進飲食必躬親數十年如一日及母喪哀毀骨立期夕薦饗慟哭過情其篤孝有如此

方調鼎字伯元邑庠生端慤方嚴動必以莊家雖貧而奉母必謀甘旨設帳近里生徒口以甘脆必持歸奉

母主人得其情遂日進鮮於其家雖主人之賢亦其篤孝有以感之也有學有守又其餘緒

國朝

王雲喜號太石邑學生有學有行屢試冠軍應薦順治辛卯正貢未領以疾卒兄雲程增廣生博學強識遭寇難罵賊身殞正文行一家者也

傅宗舉字德品邑學生恂恂敦篤勵志下帷接人不苟言笑奉身猶如處子公庭絕跡孝友無虧居然長者之風非復末流之習誠合庠咸推輿論無間者也

林翰貌不勝衣言不出口惟勤儉立身謙卑自牧至于

瀘溪縣志

卷之八

人物

七

機事機心且指爲風波之民而不屑也族黨以懷葛氏目之而經盡常默運焉

李廷棟字晋明號隆吉

資稟穎敏十齡能文輒以奇童異之

弱冠補學生

好學篤行孝事父母母患目棟以舌舐而愈居喪哀毀骨立事兄以恭終身不忍析產且簡樸仁儉每歲凶必平糶出賑以濟族里設粥以舖道饘焚券不責人貸後以恩選授秩淡然榮利不耳風塵惟優游林泉以自樂

傅南錦字天孫庠生孝友見稱內外無間從父廷試染疾京邸連月目不交睫及痛父歿幾致身斃感格神醫得復活見者稱以爲奇聞者感而思孝獎扁四錫於烏

臺粟帛一優於撫院此蓋實有可據非徒採之輿論也  
黃龍起賦性端懿表君子之風爲學丰華擅名士之譽  
敦友誼篤天倫與人處無岸谷而有廉隅課後昆敦  
詩善而勵道德享年七十六而卒

饒萬民字育生弱冠補弟子員性孝樂施遭土弁爲崇  
父魯岑戕於兵枕戈誓復不惜蕩產卒報父仇至敦  
倫睦族焚券恤貧尤人所難及者

傅紀雲林傅琴山光祿大夫後

克勸儉以宜家盡孝友  
以善俗其居鄉恂恂世

居龔溪不諳機事眞無異漢陰丈人□挽頽勵俗其可舍旃  
子志淇字我清邑庠生篤志經史過目成誦授教生徒

瀘溪縣志

卷之八

人物

八

諄諄不倦事二親以孝待兄弟以恭處朋友以信地  
方公事不避險阻毅然任之有爲有守之士也

王賓臣字簡伯孝廉拱盤長子節母孫孺人出也喜讀  
春秋傳義氣凜凜常見於文詞母死寢苦枕塊水漿  
不入口者七日幾死時人方之王裒云

石鵬字搏夫邑增生文器第四子也簡重惇穆席紈綺淡素若寒  
生履盈成習靜如處子翛然物表不耳風塵於琴書  
外泊如也至孝友允篤於庭除縑緗無廢於寒暑其  
所謂翩翩者非耶

黃龍躍字仲修庠生秉性剛方人不敢狎於庭闈無忤色於伯仲無間言詩書孝友垂訓後昆其篤行君子乎

林廷秀字伯穎邑增生家貧力學蕭然四壁絕口不言利曰沉潛經史諸書教授生徒俱知名士後學宗之者甚衆末流砥柱舍斯人其誰

鄧林桂字衡南邑增生秉性真淳行誼古處有不可一世之心篤學課子而外他無紛營其臨財不苟見色不迷卓然自持固士林中不易得者也

林震字洵雷邑庠生讀書懷古天性孝友踐履篤實德瀘溪縣志

卷之八 人物

九

容恂恂正不愧士林者也

林繼望字子覺邑庠生學問淹博素負大志屢試鄉闈誠慤有守獨行不倦邑里共推爲端士云

邱四教字肖尼篤學謹行孝事寡母母怒卽長跽請責俟色平方已待人以誠周急鄉閭註有易解訓子誠敦倫嗜學以古道自勗者

吳漢百六居家孝友接物公直族需公費捐貲給之歲荒間發廩周恤其有得于博愛之仁乎

邱受明邑學生雄文踞坵俠氣千霄每敷陳利害切中

當時閱歷紛亂能善全故業以訓長同生中晦跡于  
軒岐而廣其仁濟亦風塵之矯矯者

邱應遜邑學生材華敏瞻器宇軒豁髫齡失怙而能謹  
循畫荻之訓弱冠遊庠以春秋歷戰棘圍疎財周急  
俠氣翩翩中年賚志士論甚惜彬彬四子皆克家云

曾師聖邑增生家貧嗜學品行端方屢試棘圍未竟厥  
志其教授生徒訓迪無倦故四方從遊甚衆卽今之

彬彬庠序者多出其門焉誠後學之表率一邑之儒

宗云

傅鳳字鳴陽庠生天懷藹吉悃愾無他鍵戶自好槩屏  
外勞其自迪訓人一軌於長厚終其身無疾言厲色

瀘溪縣志

卷之九

人物

十

其所云冬之日也通邑同舌而賢之

林繼賢號毓一學問淹博文章華敏動止矜莊雖一語  
未嘗簡率父罹飛謗挺身昭雪百折不回而事卒白  
遠近稱其篤行

林朝熠字司卿謙卑自牧信義持身而天懷磊落未嘗  
以世累爲憂卽儒童傭監總不見其矜容校序中人  
服其道氣

林名揚邑庠生才識敏達有懷經濟遇人危困殫力三  
持訓迪子姓日見成立翹然于里族矣

林士詔字侍甫號慧冲丰儀修整才華敏瞻孝友一堂

藹藹如也至於闡發經義高談世務嶄然不與俗同  
九戰棘闈 國朝首貢

盧宗蕃字大生髫年食餼一目數行俱下性好施予賑  
人艱危祖業雖豐家徒四壁矣孝養繼母力致甘飴  
母疾衣不解帶者數月文行兼優近世罕四

鄧化日字貞明號著齋弱齡受知於邑侯梁及督學使  
者補弟子員年二十八蔡公懋德掄拔上卷舉明經  
入南雍大司成姜諱曰廣者嘗以名賢許焉後見明  
季濁亂遂隱居不仕肆力於濂閩關洛之學洞悉乎  
諸子百家之文制藝古作集有成帙且孝親敬兄和

宗信友諸大節皆彰彰人耳目間至於臨財廉持身  
正鑑物明與人爲善應事以恕特餘事耳其於緇流  
黃剋尤所痛絕當讀史至漢明帝迎佛事則謂其流  
禍無窮有大醇而無小疵誠聖門之功臣也哉年八  
十四避閩變匿深谷猶吟咏不絕焉雖嫉惡過激或  
不爲流俗所喜而潔己守道善類咸宗之使正色立  
朝必卓然可觀惜不見用而賚志以歿然而聲施後  
世終有不可泯者前癸丑歲邑候奈請修縣志書成  
後七年卒子三人長玘增生次可大歲貢幼可權丙午  
鄉薦孫之麟之度之偉俱庠生皆食公德云

傅珩字行玉篤學好古守道持正食餼卅載試輒冠軍  
督學趙公相與把臂稱寄督學邵公贊以推倒智勇  
戊午入闈疾作邵爲之扼腕後司姓有貢於京者謁  
邵猶誦其文而詢起居焉其奉二親也生事竭力死  
塋破家敬兄睦族重義輕財貧亦因之雖朝夕不給  
而胸懷磊落志氣軒昂不以貧累惜數奇不偶當貢  
彤庭又賦白玉矣有嗣春枝克世其業天報善人意  
在斯乎 儒學教諭時啓通撰  
鄒衍泗字道爾庠生孝友族黨推崇學問儒林儀表賑  
難濟厄施陰德而畏人知排難解紛捐橐金而不求  
償延師訓子罄產業而甘守清貧開館邀朋代俸貲

瀘溪縣志

卷之八 人物

十二

以玉成寒壬慷慨希仲連之高誼婣睦慕文正之仁  
風且立社課文四季靡怠迄今兩都文士蔚起皆蒙  
其餘澤匪特望隆月旦良亦譽冠雷封者也作善降  
祥誕鍾佳裔兩郎英年食餼屢試冠軍行紹郊祁指  
日可蒞矧孫枝簇秀英矯不群又方來未艾矣邑侯余扁曰義  
方訓篤學博熊曰詩禮傳家歷有公評合應附志  
魏懋中字寰若髫年入泮謹飭居身友愛成性胞兄雲  
中邑庠生也中道棄捐以一女二孤泊家事囑之懋  
事寡嫂以禮育孤侄以慈凡嫁娶延師築室廣畝身任  
十數年二孤名彥名端同翔泮水族多二子能讀父書

益多懋之能訓育也還以家事絲粟分明內外嘆服  
丙戌丁亥游饑謂其家人曰我積穀無多度此日事  
勢將來不可知祗忍隨俗所爲也但恐臨時把促不  
住莫若先事散之未半月而其價三倍矣居平其父  
兄訓其子侄莫不曰女爲人但學六叔懋中派行居  
六也族有好爲月旦評者少可多怪獨不敢評懋或  
詰之答曰彼固真真君子也何待論其無間于內外  
有如此者此豈矯之一二事得之一二日哉

盧乘龍字雲躍邑庠生端謹廉潔不與外事苟功可及  
人亦不惜財與力族某受重禍度力可得之當事潛

瀘溪縣志

卷之八 人物

十三

爲解釋而恥子見德歐氏某其壻也卒而家貧不能  
斂手足既經營其葬具并爲葬其祖與父共三喪早  
年見契于邑侯李諱宸者三五日必適館相問而究  
無一字干謁侯愈嘆服此皆人所難者至居平恂恂  
孝友境履其常不足論也允矣其爲善于鄉者歟

有易解切義載藝文志

丁開泰字見可號蘇門邑庠生器宇岸異而至性過人  
其胞弟逢泰久客不歸遂讓其祖屋與姪奉父邑居  
色讓終其身生平寡與既定交則禍福利害不以移  
易友某家貧假金違賈盡傾貲本負其百金開絕不

掛齒又招之使館厚其館穀友辭讓開曰不如此何以活家如是者又數年遭亂始分袂去開亦丘首祖屋矣知者咸謂管鮑分金不足多也倘朱劉兩公遇之絕交論或可不作云

林首捷字兆元少負骯髒之氣岸然自異食餼於庠屢拔前軍淹博經史如熟悉其人習見其事遭世亂棄八股業杜門自守雅意□園歷年七十餘好學不倦絕跡公庭所謂始終一致晚節彌堅者歟

丁聖作字哲士邑庠生幼失怙恃養於堂伯母李氏既□事李氏如親母愛李之子如胞弟數十年如一日

瀘溪縣志

卷之八 人物

十四

未常有倦容怠色丙子大飢族之貧者無可爲計聖作方讀史輒奮起謂鄭宋兩子罕出粟勸人以濟其國君子謂其可以後亡美行獨讓古人耶乃聚族之富者以己倡之令各書所餘之廩以貸族之貧者計口而給之而族始獲濟其他惠人愛物類如此至今人義其行而誦其德云

魏銓字君衡篤敬忠實人也家席素封而無奢念試輒冠軍而罕驕容此其小者生平不誕一語不訾一人非禮聲色過於前未嘗側耳瞬目友人贈之聯云持

身老處子克敵如大軍二語爲得其概在族莫不愛而敬之在鄰莫不仰而尊之洵哉末世之全人未多覲也

何起龍字雲從邑增生稟氣清淑賦質柔嘉能以義克利不私父所付而奔告伯兄且以德化鄉不聽俗之悍而和諧鄰里至於周饑賑乏不一其歲不一其人洵哉敦行之長者督學侯公獎語寬厚居心慈惠成性九如圖贊不以昭昭信節不以冥冥墮行讀一獎一贊而其人平生概可知矣

魏定化字濟明邑庠生家貧失恃能若父志故父安之而不見斃居之苦後丁世亂揭家往建時南瀘界畔有乘亂爲賊者定化憤不顧身合三同志具呈府道嚴示禁止而瀘始有逃生之路稍平歸家餘黨猶盤踞朗港勾引土弁爲亂上鄉五都同舉鄉約推化爲首上訴邑侯李轉上之司李王巡道李發兵誅朗港擒土弁戮之而瀘始安枕矣說者謂三代以上論德三代以下論功身居匹士功及一方後必有食其報者

李東崖渾金渾玉不識不知居身有若處子歲飢發賑以濟族里設粥以哺流民忠厚豈弟與物無忤其葛天氏之民與

丁集成字四可慈祥豈弟著聞閭閻凡施藥以救疾苦出粟以賑貧乏橋路傾圯者捐貲修之借貸莫償者焚券予之諸如此類不一而足家稱其善人誦其德殆古所稱黃佛子者流與享年八十有五邑侯余獎扁曰古道照人

龔麟桂字馥生邑庠性溫恭而敦友愛樂施予而厭錙

銖幼訓育于其胞兄標既有成遵父命以田產之半酬兄無有吝色不問家計饒乏見里有困急者輒周之坐是食貧自窘矣而約己裕人畧無退悔後經世亂棄八股業筆耕湖口杜門無求足不履城市者終其身其堅貞自守又有如此者

林台伯長祥之長子父疾危篤三詣城隍廟一卜筮兩焚疏求以身代不數日疾死父稍愈後三月復沒神既許其死當生其父相繼而亡何耶豈台伯之數當終而父之天命非所挽耶事雖無濟而其一點篤摯

眞性不可滅沒□□者莫不傷悼而□羨之  
鄧舜日字五明幼習舉子業輒以大事自期天啓丙寅  
歲試已入泮復被夤緣易奪士林惜之因不復應試  
篤志訓子若璫若璣試輒冠軍深爲侯廣成先生所  
器重其于易象春秋諸經義多所發明皆公庭訓之  
力公居家孝友人無間言中年喪妻義不再娶族有  
貧□妻者公助其貲合其夫婦兩全伊子若孫至今  
誦德不衰鄉有不平輒爲排解歲飢自食糜粥畱餘  
以賑貧乏得全者無算其爲人臨財不苟見色不迷

好行其德類如此

傅雲騰邑庠生好學力行以孝友自篤中年失恃哀毀  
骨立父病祝神願以身代待諸弟以恩分產取其礲  
薄後設帳府藩一時出其門者皆知名之士其善于  
訓誨又如此

龔幹字正輔學富行優不干榮進惟養親爲念嘗遊西

昌張

徵生

先生欽其德器贈有詩曰不隨波靡□風塵

力養萱堂樂性眞茅子遺風今再見誰言斯世少賢  
人觀此詩足以見其爲人矣

孫繼武字鎮北少業儒厄於童試繼以武庠中丁酉副榜賦性擴落不羈其尊人欲繩以醇謹而才能猝易其素也遂俾之另爨不與半畝粒粟意在苦之繼武力能經營自贍更朝夕視問歲時饋獻有進無退如是者數年兩尊人俱允之復呼居膝下付以家政矣家計亦不甚饒終養者未嘗俾父母之腹一餐作菜篋也鮮胞兄弟同堂者八人或加以非禮笑而受之輒曰奈何使我左右手相搏乎君子謂其至性過人處家庭間有道矣

盧 魁字南麓行玉丸原黃金一公幼子也金有同懷妹適盧姓無嗣妹固求螟蛉於金金不得已乃以魁往魁孝友性成先意承志姑廢疾六年服侍湯藥朝

夕不懈姑常謝曰願來世我爲爾子以相報後姑丈又患疽病四體不仁凡飲食便溺俱出其手每逢天霽襁負出游以舒其困非無僮僕慮弗克當老人意願爾及彌留之際籲天願以身代父曰爾孝事我兩人願爾多生孝子我死亟歸事爾親父母天生大孝忍獨爲我有哉所以廬墓畢卽置酒大會族姓曰凡有所遺田產概歸東園我不問也四子請復本姓魁泫然曰得毋失求繼初心乎沿以盧爲姓而以黃爲歸後兩舉鄉飲大賓益藩府道皆旌以區至今猶嘖嘖

不衰嗚呼繼盧之後且不念黃之本魁亦人傑也哉年幾日秩卒葬岐山墩上元配王厝石神前俱獲吉阡孝之報也

明監察御史巡按雲南年眷侄黎明範撰

石 鵠字漢舉明上舍河間公第三子慧心天悟不屑屑淫于書而文成典則裊躬翫醴介然不苟取理家政父白其勤瘁公忠常省親之署贊畫仁廉率多稱旨每遇瀘歲稔作糜賑獲全者甚衆

魏 奇字伯民博學篤行人也年十八入泮二十餼于

庠網羅百家之編咀其華嘗語門弟子曰讀書所以明道進德非徒工詞章已也公九歲生母鄧歿極得繼母歡及沒屬公以幼孤既畢婚猶招居同室家屢乏屢給之不以析箸異也際鼎革公弟婦避兵玉佩歿公不顧家盤山舁葬凡棺殯費無所吝其異母童妹被執公終夜涕泗賤鬻已產贖歸擇壻嫁焉妹病輦至家覓醫診視遂獲瘳後廢舉子業絕跡世路惟邑侯衛請修縣志一往嘗書聯自警云好學不愚爲善最樂公于二語可謂言行相顧矣長子文潢登賢書

瀘溪縣志

卷之八 人物

二十

次子文瀾入郡庠申錫無疆宜夫

林鳴翔字明甫渾金璞玉溫厚和平愛親敬長樂善好施而且風波不作德義可垂洵藹藹吉人也舉鄉飲大賓匾額秩猷綏祿

鄭之俊字公廸邑庠生秉性剛方矢念慈祥有楊喻二姓鬻妻償價概擲金曲全子孫至今德之歲壬辰山賊禍鄉都鳩衆策驅逐男婦賴以安堵且邑有公事協力贊成囊金素所不惜也臨終自浴正襟端坐集家人餞以酒惟以積德勤學爲誡子夢仁食餼孫有

賢入庠是亦克承先志者

周應星字祥徵明孝廉辰之次子孝友孚於門內長厚播於鄉隣性好施與火券無算丁耿變被賊所執及聞其義釋之邑侯袁 獎匾曰實大聲宏

徐 琪字奇玉號定庵敦倫紀人也幼失怙恃偕弟就食伯叔恭敬一如父母奮志詩書年十七補弟子員雅有廉靜之風從無公庭之跡歲饑常貨田賑濟是亦居今古處者至遭兵燹保全族譜尤不□其本云  
魏 檀以敬持己以誠接物懶權子母利田產每讓同

瀘溪縣志

卷之八

人物

二一

懷九衣人寒食人饑藥人病完人婚娶者悉守先人遺規雖謝世已久至今閭黨猶景其行

鄧大儀字伯正少失怙嶄然見頭角孝事寡母致其權撫駒齒弟訖成立性最淵宏人犯之不校遇患難事扶救恐後計負債難償者塗券招還之督學郡縣各錫獎匾鄉井多純篤之譽

盧 琮字子傳號中虛邑庠生南華曾孫士信堂姪也優于文行事寡母以孝生平忠信誠實尤敦大義凡擴祀崇先家乘詳言其美素爲邑中名碩所獎重亦

云偉矣

盧心瑛字元弼賦性明敏臨事決斷以奉委總練作一邑保障時風聲鶴唳之餘米珠薪桂父命理家政二十餘載爲五弟完婚娶課子姪以文章一堂聚順人無間言每外歸瞻拜親顏手出時食以奉夜設飲呼諸幼戲於前以博兩老歡蓋亦取萊子意焉後以人繁析興猶引江州義門陳氏以自愧卜牛眠以厝祖父母柩其孝友蓋不以初終間也後邑侯常□以孝友繩家分府李 以望重南金匾旌之

瀘溪縣志

卷之八

人物

二二

鄧克昭字章平號和菴邑庠天資穎異晨讀韓蘇大家文每過十餘通且賑乏植孤孝行尤爲足錄

李日彰字旦旭郡庠生仁厚有餘孝友兼盡仲氏日彰蚤歲艱嗣息痛切已懷聞有可禱而致者不嗟多金費暮年分爨房產一任所取至終身不貽手足憂甲寅閩變緝鄉勇以待王師靖山寇以寧封域尤稱偉伐焉

石鎮邦字良柱號樹菴郡庠生清苦嗜學尤有幹濟歲乙卯父兩爲土寇劫急親難寧損值貸產以賂奔脫

家幾餒卒能恢擴生平篤誼疎財周旋於友戚間貸  
不計償有猶子狂悖肆奪廩粟不願終訟以妥父兄  
地下之靈邑侯王 嘉之歲鄉試中丞馬公錫之帶  
器其品也自傷邁陽九爰以先業屬之子隆師嚴課  
常體先純臣之意云

林卽桂字文京敦倫飭紀人也學博徐 嘗贈句云旬  
歷杖鄉餘孺慕萊子若友于惠愛深花茂田荆萼課  
嗣以義方敦實屏浮薄往來長者車季布匹然諾聞  
日味道腴高懷寄丘壑自抱經濟才付與後人擴卓

瀘溪縣志

卷之八

人物

二三

爾明時英風規儼如昨邑侯張 題請賓筵錫匾曰  
彝倫攸叙厥子大振邑庠諸孫曾孫香生芹藻望重  
成均皆盛德所致云

盧 琬字子嘉號會亨邑庠生質性醇原古道照人敬  
師長篤友誼撫侄贖宗贖事耳其事親也悉得歡心  
父母疾湯藥必親奉衣不解帶者累月終喪三年晨  
夕哀號如一日塋祭皆以禮猶忽忽若有所失其事繼  
母亦然孝子也

盧宗尹字大立郡庠生孝友真摯父遭耿逆挾餉留營

尹冒刃往以身代生平扶弱濟危傾囊不計如妻弟  
林種染疫病親戚斷踪尹調護備至素行可知矣歲  
庚寅胞弟景春爲邑公事羈省憤激代控以致身危  
聞者惜之

林際泰字以任號素菴由邑庠補大學考授州同才能  
練達孝友著聞凡公事有裨合邑者不惜勤勞以勸  
其成倘所謂邑之傑出者非耶

石士英字叔奇邑庠生克盡子道生定省而歿廬墓儼  
然有古孝子風生平居心仁厚言不輕出一惟訓義

瀘溪縣志

卷之八

人物

二四

方以勵其後人

譚采言字惟章孝事繼母四十年如一日秉大義樂施  
予而修橋理路之功爲最不席前遺創置產業壽八  
十有三猶不需鳩杖易簣前三日謝客命家欸席親  
擇吉時喚諸兒婦分班餞飲曰汝曹各效我大義遂  
瞑人皆謂有仙氣郡大夫李嘉匾曰熙朝德壽邑侯  
常獎匾達尊逸士

盧宗棠字大疇邑庠生孝事繼母發賑施藥修橋治路  
善行纍纍迄今子姓蕃衍詎曰偶然

林砥柱字美大號澹菴邑庠生寬洪簡重賦性孝友嘗持爲善最樂四字以自警八歲失恃每忌辰號泣宿柩所其事父先意承志尤愛季弟終身共興司鐸姚贈匾花萼聯輝允當也且人有負欠概不較當甲申大祲減粟值以市故一時有林佛之目邑侯常公王公雅契之糧侯周贈以唐句我聞聲價金應敵衆道風姿玉不如洵然

李紹輔字帝簡邑庠生公直得彥方之遺長厚來子敬之譽席豐守朴惟不外馳惟以延師課子爲務若剛

瀘溪縣志

卷之八

人物

二五

若雲龍悉由冠軍入泮人曰父賢子肖予曰德厚流長

魏經世字獻可號泰溪素性醇篤生母危早世事繼母李氏曲盡子道李卒爲堪輿家誤厝失所臨終遺命長子邦達次子堂改扞佳城二子亦克成其志常破己產以匡人厄較世之推有餘以濟人者茲更念所不足而拯之矣雖積學未售而令子名成文孫卓犖美報正未艾也

鄧之麟字開周號瑞庵邑庠生天性篤原一本情深幼

失怙恃厥祖著齋先生是依甲寅寇變出險若夷惟公輔之得權心焉父母既遠而孝思不念兄弟雖分而友愛愈篤堂弟之偉堂姪天章兩孤寄託婚配成名悉惟公力而且居隣琴署非公不至敬禮師友破產弗惜一以訓課惟殷冀慰乃志人短人非絕口不道時而排難解紛渾然無事之天時而飲月澆花徜徉自得之日其於世味淡如也庚寅鼎新 文廟則又任勞罔佚共勦厥事宜今嗣天福厥孫林菁捷跡鬻官師師濟濟歟學憲董 獎其匾曰光生芹藻

盧 欽撰

林如炳字公遠邑庠生孝廉桂生先生之令嗣也素賦徽柔居城市無囂塵氣亦不作貴介相惟閉戶讀書日以克家爲事卓哉佳公子乎

朱南崇諱士俊去浮華而尙質實守清白以紹家聲不彫不琢無貳無虞允堪持贈

石徵學字晉叔郡庠生禮義自守清白傳家不事浮華古道自處振振君子不其然乎

邱孔揚字律侯邑庠生年二十八髮妻周氏物故誓不

再娶且制行端方務力學目不窺園壽登古稀而鄉里稱爲高士

鄧 惠字叔亮□□少孤卓然立志能讀父書素履不求聞達歲每收粟斛斛設木錠出則去之示后人以世守年饑出賑數百石鄉人咸德之他如慎然諾睦族黨又其餘也

盧祖艾字公翊邑庠生謹持自好矩度循循公門城市中人罕見其蹟鄉族咸以端人正士推之邑侯汪獎匾曰行誼可風

譚致中字定儀號慎餘以首拔補郡庠鍵戶讀書不履城市雖家務不勞其身而建祠修諸諸大事實首功焉暮年更精醫道家設藥籠凡診視遇貧者出藥療之至施茶修橋路泊今口碑勿衰

邱章瑜字玉琳貢生富而循禮好善樂施凡租債負欠者毫弗介意初乏嗣近五旬連產兩子英偉不凡說者以爲厚德所致

李元綸字佑公性至孝獨得親心臨終與以百金綸曰父病不痊反因以爲利乎旋公諸衆親沒居廬三載

不入內室苦學未售常以不克繼緒爲恨丙子連歲  
歉同從弟紹轉元輔施粥嵩市甲申買粟救饑且理  
橋治路施棺焚券善行纍纍邑侯沈 學師戈 特  
薦大賓旌匾德孝芳型藩憲李 旌匾尙德榮標  
林瓊發字臚傳質性古樸忠厚傳家每歲終族之窘者  
給肉米遇貧死不能殮者施以棺每橋路圯廢輒捐  
貲修建所謂樂善不倦瓊其有焉邑侯袁 獎以匾  
曰先民遺範

林必新字嗣芳恩貢繼賢之孫邑庠秀標之子也孝友

瀘溪縣志

卷之八

人物

二八

仁讓愷惻慈祥理橋路以利行旅火欠券而恤寡貧  
且義方式穀子若孫俱承訓力學昌熾其可占也壽  
踰珍從邑侯白 錫以商山齊美匾額

徐秉謙字子益性純樸寡言笑事親盡孝生養死葬毫  
不諉任兄弟 負不責售且讀書懷古傳

家清白綽有孺子之風終年六十有六南城孝廉夏  
士偉輓以詩曰暮雲春樹兩悠悠不老青山亦到秋  
泉石煙霞風景在生平原不事王侯

鄧占起字鳳先持身接物煦若春和性簡約不事浮華

文林郎未任而没生平孝友遵守禮法不義若浼非公不至惟循循誘進後學仰其德者尊爲泰山北斗遊其門者儼若化雨春風誠士林楷模也令子席錦文瓚文瑛文琯次第鬻宮殆盛德之流輝云

鄧應角字雲先號若人經濟有爲士也少負大畧草茅中有廟廊志康熙乙丑拔貢赴部考授文林郎未任而卒文江年友周尙中贊云兒撫羣物志在經綸處則名士出則良臣有懷裕後斯爲若人璩之後

盧肇龍字雲驤毘庠生允中幼子少失怙事母孝遇荒

瀘溪縣志

卷之八 人物

三十

施粥有欠焚券隱德殊多登七旬邑侯常獎匾曰齒德達尊子宗棠宗彥孫心鏡曾孫廷用接跡膠庠皆盛德報也

魏邦屏定化長子康熙乙亥貢元性寬仁不露圭角而氣骨渾成以世道爲己任其爲合邑革里排開水道利漕運嘖有賢勞著有適興閒吟詩稿邑侯常贊曰跡公生平謙讓允塞溫溫恭人柔嘉維則逖聽承□其儀不忒億萬斯年懷於有德

鄧一芝字允中邑庠生天性孝友事繼母力承所欲咸

人之樂憂人之憂遇有危困莫支者不惜倒囊篋以濟之綽有季良伯翊風致名登國學考州同未任而卒諸人士咸爲惋惜今長嗣鳳詔暨諸子姓皆卓犖不羣洵哲人之有後與 眷晚生鄧 觀撰

黃中澄字孔奕邑增廣生龍起之子歲貢教諭守德之孫孝慈仁厚丁甲申闖寇不惜破產捐軀脫父於難康熙二十年由廩入太學才堪世用而嗇於遇雖山棲莽處而抗躬完節榮勝軒冕者矣以故子明經而孫泮遊兩代間蕃衍至百數十餘丁昭其報也

瀘溪縣志

卷之八 人物

三一

邱 璵字璵玉號彝齋邑庠生稟性剛直見義必爲糾縣紳衿革里役定條編爲瀘効力毫無倦色至捐貲財以全婚媼惜孤窮而焚借券濟困扶危又難以屈指數年九十餘猶朗誦四子書聲達戶外日課諸孫講晰義蘊竟夕不寐宜乎克昌厥後有子諱鐫鏘鏜皆能承其志者也

吳士徵字登庸邑庠生孝友持躬言行不苟肆力文章浩然有博大之象凡族中子弟有貧而好學者輒出貲以助膏火且善醫施藥愈不計償其美行嘖嘖人

口死後越數日舉子以昌家世亦天道之所以福善也夫

瀘溪縣志

卷之八  
人物

三三  
三二

耆德附義民

史之紀表書志具詳矣而於世家刻傳尤叙載必核論贊必嚴者蓋亦春秋彰瘡之意惟茲耆德古貌古心式重鄉評振辭無可喜之新奇率履有難逾之軻物敢曰洛社風規庶幾商山懿德雖爵未列於朝功未著於世烏可令其湮沒不傳哉錄美而並志之夫亦世家列傳之遺云

林

政

非生欲得親心順父志推受敬愛倍分業所生始其終毫無允孚間言每以南詩書課後人足賜不履公庭行誼年其登九十奉請恩按例院賜扁其齒德為一陳禮之望大寅

瀘溪縣志

卷之八 人物

三四

傅文燂

誼敦而扶樹義樂善弟姪幼孤將教己田均分畧無私活恠會戊子己丑歲大侵發賑任數百石縣初民修志田全

林時達

有穰人德有累司仁敦宗族鄉飲賜扁其齒弟壽高八十

盧允中

商字楚養元以南親麓在長子忍遠遊父志以屢試壯不慰之父命客

鄧春秀

曰鄉飲義大賓旌扁登棺七散句藥歿葬十僕三都孫正山祭官

盧建中 □□ □□ 獎扁聖一世鄉達善尊士按院王林獎扁懿月行且可評風高按

傅心 □ 排 舞 上 曲 致 四 錫 獎 扁 嘉 行 纍 歲 歉 輸 愧 將 一 尚 義 捐 善 士 余

林敬 交服 睫勞 朝奉 夕養 虔竭 禱力 請無 以歉 身父 代病 邀 神 畱 眷 衣 而 不 鮮 疾 帶 遂 目 瘳 不

鄒東喬 有敬 司竟 申以 請七 上日 而 賜 亡 扁 父 嘉 純 其 孝 孝 殉 別 身 置 田 以 為 烝 嘗

龔世德 稱質 為直 竹不 溪阿 先取 生與 邑惟 義敦 獎崇 扁古 曰道 嘉里 賓中

鄭錦 獎扁 榮壽 盧秉中 重縣 獎扁 評扁 德

魏良材 姓性 丙慷 辰慨 好交 潘接 賢士 飲大 夫賓 居常 曰以 德禮 法四 繩子 諸邑 族

何球 蓋鄉 間是 年冬 復與 鄉飲 大賓 其嗣 起龍 懋德

無耿 介有 萬氣 曆節 辛慷 丑慨 仗義 樂為 人排 鮮以 鄉間 曰誦 善之

庠孫 奇彥 毅邑 庠家 貧力 學遁 跡衡 門

瀘溪縣志

卷之八 人物

象賢 好施 樂善 耆望 崇而 厥後 昌皆 貽謀 所暨 云

周相 行獎 可扁 嘉善 徐學 重獎 扁鄉 間德

鄭桂 善獎 循扁 理樂 湯繼州 侯賫 扁建 葛善 坪好 橋義 邑

李子璜 德獎 兼扁 隆齒 李鼎調 壽獎 俱扁 隆德 鄒懷少 善獎 扁好 義樂

李先春 朝府 碩獎 彦扁 清黃 瑜居 大九 都甲 子科 舉人 正統 九年 鄉賢

李和 鄉十 里歲 失怙 同母 氏 勉家 曰政 耆至 德壯 子年 士富 魁而 士好 元義

鄒昂 延世 鄉德 飲克 承敦 獎善 扁循 理邑 侯禮

劉光奕 嘉持 賓守 子謹 安嚴 民勵 兵志 憲詩 獎書 扁邑 曰侯 卓獎 爾扁 干曰 城式 燕

李上華 縣上獎 賓扁達 李 轉扁縣 德舉厚鄉 流飲光獎

林溪春 兩言請物 賓筵恒獎 扁範曰鄉 人倫遇之 荒樂濟

王政 尹號盧 舉野鄉 飲懷獎 扁物曰積 德貽後 筵府

林塘春 請長厚 飲恂恂 獎溫扁 曰恭望 待物邑 旦侯

黃文瑞 扁鄉冠 飲帶三 大次賓 給 黃文瓊 曰鄉 飲錫大 難賓老 給扁

石士弘 德旌承 扁恩元 黃守忠 扁邑曰 庠生德 舉可鄉 範飲獎

朱國材 龐給表 扁俗淳 石德崇 榮給令 扁德恩

朱之瓊 壽給彌 扁高德 傅仰源 德旌可 扁儀曰 耆

李旰 耿介旌 扁持曰 平寵無 偏良無 倚善邑

瀘溪縣志

卷之八 人物

周德化 扁縣舉 熙朝元 飲德給

于守中 德獎俱 扁尊齒

李榮 壽獎重 扁封上

周應雷 榮獎雅 扁德恩

饒積 大鄉賓 飲

徐元 篤獎古 扁風醇

傅天祿 大冠賓 帶

周繼山 膺獎盛 扁典榮

曾盛 縣恪獎 慎扁淳 友樸睦 濟可之 風賑危

徐國華 義縣可 獎風扁 好 周禮 獎德扁 高德望 行重舉 賓鄉飲

鄧善 大鄉賓 飲 李文泰 德縣達 獎扁望

徐邶 義鄉飲 塚大邑 賓之清 善高士 阨處富 而曰好 天施寵 造達橋 尊梁立

徐增 寵旌先 扁聲褒 黃祥金 旌按獎 院

馮厚獎俱扁齒

曾伯詳胡字崇春崇臺有光樸祖韞次先天文質範後素履看無咎本府學通教諭

宜張崇有賓筵以見光盛族典扁醇良敦取善可鄉風評

盧南華鄉飲大賓 楊鳳山鄉飲十大賓

丁振鐸鄉飲大賓 邱懷東鄉飲大賓

傅遲 傅盛

傅新 傅映

鄧文琪已大上賓 鄧學樂獎俱扁齒

魏懋德忠厚自持曰事德重以孝聞

瀘溪縣志 卷之八 人物 三七

林雲魁獎隱恩給壽官 曾燭恩詔壽官賜扁

王思信古貌古心篤於孝友舉

王拱亨居恒守禮推樂善邑好施人獎有扁貸曰不積息負光償郎

廖炆獎餘善 吳一中獎足好懿

盧應春之品賢行豪端方之氣量宏偉既大賓詞曰尤精高書德篆邵世

林少簡皆才資其富經瞻畫德足多儀奇創每邑能之以初片縣語治解四里門族方紛向

以結其人篤如實此足

林應鵠錫質扁直曰好義縣請示賓筵

李用和骨縣今獎馨古 鄧鑑扁捐修粟德賑樂乏善侯獎

李之實 而勤好儉禮克縣家獎義齒方德訓俱子尊富

黃懷山 曰縣五侯更樊三給老扁

饒修文 曲號為仰解橋之謹周淳與課人子無干爭里里誦有義爭者

饒善 盛號時前人松瑞處兄善饒循積特恩旌德成弟饒爽天善賦可榮風扁世曰

皆蒙三顯望

邱文炳 邱秀 黃文達 黃朝宣 俱鄉飲獎大賓

邱東山 焚券落好豪俠循同理妻李中氏 稱勉善家 人政邑遇侯荒禮賑鄉負賓償

獎扁亦曰齒德俱隆子獎賞東

林應鵬 容號周清急吾應乏質時古稱貌長寬者恕存侯心扁獎平德厚流言光厲

瀘溪縣志

卷之八 人物

林士登 怡賦志性鄉勤儉著克聞敏年家八十早有三食邑貧侯父曰嬉能恬孝壽養

域又隆曰寶

鄒律 搆字館自延成師以以玉養子親弟事至繼慷慨尤任善俠且拯友厄于恤艱氣恒

素性然也 鄉喜侯張

下白沙 榮鄉三飲孫大賓扁 孫曰俱德庠壽生雙

劉大緯 與字外翼事甫鍵力學課孝子友而周已邑侯族余負扁償曰焚券子終一身經不

鄧芳 業字厥彥孫甫大年誠蜚聲樸庠樂序皆好公善之嚴督德子所姓致耕殆讀所為

謂清白傳家者與歲乙邑侯張金其老

傅永 孫號璜仰以峯康熙儉處八年詩領歲傳薦家厥鄉之善士也其

林鶴齡 身號無來軼行賦凡性蒙孝扁友獎恂者恂三若處藩子臺生王平曰德無可擇維言

子風享年糧八憲十韓有曰五有孫齒有繁盛邑皆侯其垂裕見君

林察 扁鄉德飲裕大後賓昆錫

盧宗屏 心字邑大垣余建中扁長三孫代之貌遺古

朱國松 天鄉民飲雅大望賓縣獎扁曰

盧起龍 後縣裔旌宗扁周德父垂

鄧大孝 鄉飲大賓樂善好施不可枚舉福源寺猶存遺

盧肖龍 二縣獎扁翰宗蕃尊父有

林行榮 筵號縣拱扁元聲律身篤度敬府扁倫德之壽雙兩全舉賓

瀘溪縣志

卷之八 人物

林默 席克錫敦扁孝德行請維舉風賓

鄧宏 邑字侯近汪泉公冠謨帶錫大扁賓曰萬齒德十俱尊年

高士毅 然字鮮可營任無澹泊事明亦志無璞機玉心渾與金弟於士彈進棋共相書友外愛淡

同居數十祀庭無違語

朱大震 利字中子淡占邑庠之翰之子潛心經術屏跡公門勢

譚純所 穀號賑懷貧義旋性因敏世學亂遠家廢自舉業崇篤正志九年子大遺飢田發

三畝弟零子撥員償聲束膠二序子

許啓元 士字弘伏曾一孫號珽奇瓚慷藻慨拔桂皆周公貧盛德急所致大兩縉式孫

俱補弟子撥員償聲束膠二序子

扁賓曰席令郡德壽高豈

盧心珙

字元珙，美性嗜讀，手感錄而詩，釋古生文，平詞公得直，數梗介許，衆父舉被。

魏士端

字一楷，少窳積而賦，孤待者，出不銀，與之府，不言出，其姓，輒字信。

桂開

字不建，失矣，孺業，父諸病，經疏，行祝，灶太，神古，願孝，減事，己壽，母以，踰五，親十。

傅仁壽

字延卿，曰恩，飲榮，大齒，賓德。

李成龍

字伯楷，成模，有行，子端，方文，朴膺，誠文，林僞，郎封，篤志，課子，鄉里。

瀘溪縣志

卷之八 人物

高顯祖

字石泉，恂恂，寬恕，舉鄉人，飲大競，賓崇，給正，扁十，望三，重年，且郡，評別。

高新明

高邑，談庠，清生，韻恬，玉淡，川樂，之易，風不，新事，其勞，焉性，好客。

李元經

字帝可，其氣，券字，中軒，年豁，幼習，學業，不五，偶子，素輕，財善，人好，負。

盧心瑾

字懷玉，見躬，遭若，賊拷，子面，涕如，冠以，玉身，動循，禮法，積言。

李夔生

字道蘭，無間，言盡。

李芬生

字道蘭，無間，言盡。

鄧

魁

壽字已子而仲不少起孤寢善苦事枕母值病齒肅不禱願者減三年算胞益母

實文其達人早世還遺之二嘗孤作仲銘云之勤己持出客温恭接遺物廉

朱閑邪子存誠郡方庠來

危希舜

請字認賓中席號扁心曰齒敦倫兼飭優紀慷慨樂善邑侯潘

譚天佑

大字賓南克溪纘先門緒清按淳臺裔獎也為善人公正渾雅舉鄉飲

高洪先

衆長服厚其樸量訥人忿或戾負胥償忘未嘗切鋒責相其含者容類而如謝此之

劉際宜

志字課宣子佑故乘長性子公光直祖積邑廩次施子淡祖意向于孫森皆而郡篤

德庠隆書香之相報繼也乃積

邱紹元

諱鄉大飲耆老明邑侯朱一獎扁惠迪齡長子邑庠

瀘溪縣志

卷之八 人物

四一

饒尙友

撐天持性成孝立友隨幼取失兄怙恃分兵產亂以二瞻兄二逃兄散奮志復勤撫勞

破孤產如以己存出人教妻出婚貲配以外解又人紛已其產以難益之殫他述如

盧友玉

如清遇潔急自通好財平收恕其居券心而輒焚逆之又加陰為施不濟報不他

李元及

邑顯侯居其汪名獎扁年曰八壽十山有福子海七人

孫灝

有字其明人振歟天邑懷侯渾旌朴扁正口大耆德方名所謂無懷葛天殆

徐越志

口字文訓華孝曆友三克十著年清詔賜傳鄉飲擅大推賓解邑之風梁篤義

仰獎文扁口特孫麟彰南德金第俱三邑子庠

何喬經字理鞏先明人幼產讀書□□仁時慈□好□施□有許後金以數數十奇者不獎遇

欠鬻喬妻見以其償多還子其乃券曰又有安負知欠非過多庇願以都祖置穴其抵

施欠以不棺討木至長隣厚里之饑名寒滿於給鄉以曲衣食嗣死無培殯字篤者

九生十身臥列病辟三雍載寬朝和夕正視問善未體嘗父稍志懈祖母曰戴孝享孫年

教寔侄田龔父紱教撰世

李子明能賦撫性孤孝守友志天族資里朴賢茂之三代之遺民也晚娶吳亦

徐瀚益字藩北海仗曰義疎財雙食德榮者衆卒年九十有一

鄧成子蜚孝友鬻謙序和督學賑徐好施旌扁曰橋梓兼方榮次子家蟾

單德高與字有君勞德焉原可範壽躋古稀子廷棟因革里排

瀘溪縣志

卷之八 人物

石金聲迎字奎師玉王蕩慨寇有安幹民厥值功殊偉居民逃竄奎獨挺

林邦楚才字能偉出生衆歲公貢事嘉任榜之之裕父如邑庠侯煜與扁煥送之祖質生神平

才怡邑署侯縣區委扁任送綜署春流秋祭邑祀侯給送胙肉後國舉

黨鄉爰約扁送名正迄今可競道邑侯衛扁送才德兼美鄉

盧銓族字有公割掄枕性孝友出沉金簡之嘿精絕脉不知遇人病世求機診械雖事

此參中藥索弗利恤也多邵回子枯曰起不瘠作之風譽波致於謝世弗上受謂無非水於

惟炭銓到有胸焉中

許天錫賓號筵碧扁山旌子修良德之承父恩兩赴

饒大行旦字邑君庠掄足髻跡年不入履泮公孝門訓子外無他事焉子夢

奉

新例舉報鄉賓

盧宗臣

春舉大人賓號有慎庵見雍正六年

林大振

恭邑庠字成章器量恢宏不規苟遠大和煦謹若春陽

皆儼雍肅穆等氣霜仁者厚居心是到處多其慷慨友解繩推家古道堂

雍高正風六年一春而公足舉歷任賓侯而後學憲其李盛世扁懿額

請範為歟先易曰贈謙宜謙其君子自天賢佑之克紹無九不利芳子躅又

欽云撰盧

邱鎬

困幼扶嗜危詩雍積六學不春遇迹舉其生賓平尤敦行古道恤

瀘溪縣志

卷之八 人物

四三

高士進

隱字臧公否選號旭峯擢嚴易渾厚內文不明以而賢知先順人庶然幾淑

近王之評其為試文渾清雅標逸自幽出芳機襲人嘗雍正知於督

薦歲大貢賓戊申冬

魏光選

六邑庠冬生介賓正

鄧應美

洵字淑宣楷模正後六年儀冬型也賓孝獎親扁恤曰坊表饑助風

魏文潢

年舉春人大雍賓正七

林煥章

篤字大砥行號立警名齋生郡平庠生母肫正摯七友春兄弟賓誠少士孤

堂林族楷模也稱現其有七老萊遺風萱

邱邦俊

平字日惟琴鄉雍自正娛七遇有春紛糾賓賦輒性婉渾厚之居人薰孝其友

德而感碩德者多邑侯李

傅龍言

也字幼伯承高義方增之生訓能以七年書大其賓仁故壽敦之厚令周嗣

慎節不儉愧上無之負名

周贊成

遜字讓旦之如風郡庠生懷其素德封貧困感矜之氣待族七黨年多

舉冬鄉飲介李賓選

左盛

恤困扶人貧善正行七纍冬邑僎侯李旌送扁紀孝誼可稱

林廷模

年庠春生大賓正八

周集成

年庠春生介賓正八

丁士誠

正字八叔年諒春取邑侯不李苟孝友舉可僎賓錫扁曰守龍光朴雍

瀘溪縣志

卷之八 人物

錫署子縣楊松太扁學曰生達尊

耆德補遺

于揚

字文明成唐性學士志寧公日以後裔也為人忠動舉存

止報不苟爽鄉云目為善士令子蘇為邑庠生亦天

龔振生

差幼孤克行友施諸濟弟事閭共德之視姪猶其子訓課無

鄭夢昌

幼事寡母若竭夫誠周旋進退于里党間則正大之敦

風尚在人

義民

傅

震 正統間上邑降大勅嘉官發藏江西盡建昌出府穀南城縣有民

石傳震助國賑濟有仁司養以民聞朕用嘉之今穀特賜千貳百

諭勞允以蹈羊忠厚表為勵鄉俗仍用副本朝戶廷雜褒嘉之徯意

欽哉敬故天勅勤

正統八年八月二十日

鄒吳三

吳全與孫東少捐粟數百年賑濟大旌扁富祖孫尚義助賑

譚清淳

同七世頗有居張公憲獎扁一門敦邑義宛然鄭氏遺七風世

黃汝信

晨厚慕義遇荒捐賑有扁貸不天錫焚其券扁口

瀘溪縣志

卷之八 人物

四五

林槐廿三

存心力為利修齊之荒年舉賑筵助至今官誦義凡橋路領圮

饒

謨 邑肇侯錫之扁初尚榮首勳德勤

鄒

元 橋字路自太泰府善好扁施義常聲載道修理

列女

惟茲坤德詩咏無非無儀記取婉婉聽從此外無所揚厲至如顧家婦毓秀閨中王夫人蕭然林下不關名教何取敷揚若夫柏舟之矢無替於修年截耳之操懷貞於妍節絕命而敬謝夫兩髦茹荼而不渝於百折或淑節已旌或幽芳未耀用志徽音式光彤管

宋

鄧氏名九娘聽之女孫也未婚守節撤其環瑱至老不嫁以養父母好善樂施捨創上林楊源廣仁載輿白

瀘溪縣志

卷之八 人物

四六

塔等寺咸範其祖父母及父母像於寺龕俾得世祀以永孝思併施寺田數千石於各寺以爲烝嘗貲時皆稱其節孝各寺立有碑記

明

郡庠生傅灤妻趙氏年十五歸傅氏踰五載夫病淋疾旦夕扶持衣不解帶者十餘月及喪號哭踰度既三年父母強取歸寧田東有劉欽者富商也賂媒求娶力拒弗受又有黃姑者每日來誘解所繫金帶贈趙趙擲於地乃閉室自縊母聞救免遂歸傅氏是時灤復

有二弟之喪其二婦見趙苦守亦不忍二志第姑嫜性嚴二婦弗能堪遂別嫁趙愈憤自持撫按督學咸獎異扁其門曰堅貞曰希共曰貞節張蓉撰少年守節難無子而守尤難遭內外摧抑之不少動愈難年六十一卒署府篆推官王有獎見府志

孫瑩七妻張氏年十八瑩死家人欲奪其志卽不食誓無二心旣數年疫大作姑舅伯叔相繼入喪張罄家治具靡不如禮時家無子遺而張以一人克延孫後享年七十有六隄守趙邑侯葉咸禮獎云

瀘溪縣志

卷之八 人物

四七

孫瑞一妻李氏年十七瑞卒子甫襁褓家貧苦節每援大義自守後子應縣役從途次獲私鹽數觔歸問所從來子以實對李阿其不義白諸伯叔示朴悉傾溝中其能教子以正類如此凡孀居六十二年知縣羅公上其事於御史李因併前張氏表其門曰雙節高

風出進士洪範墓誌萬曆府志

傅銓妻蕭氏年二十銓喪遺二孤蕭號慟欲自盡姑妯勸以母死子無獨生當爲銓後計銓悟矢志不二踰年一孤折家益貧守益勵日勤紡績以貲衣食後子先喪又撫孫汝楫課讀補邑廩生克自樹立艱辛鞅掌

五十餘年七十有九卒邑侯曹造廬嘉獎扁其門曰

節慈

萬曆府志

林楚八妻傅氏十七歸林甫暮生子僅數月

夫喪哀毀骨立幾欲身殉

以藐孤無依矢志寂守親鄰不得窺其面歸寧母家  
值設戲深避不出僕有登堂者輒叱去時有奪其志  
者剪髮以示靡他奪者未已引繩自縊侍婢覺救自  
是知其志不可奪始得終守子早喪孫三煢煢幼孤  
切怛爲勞撫之成立孀居五十餘載備茹蓼荼里老  
具呈有謂烈氣如霜貞心匪席經疊變而克全綫帶

瀘溪縣志

卷之八 人物

四八

□屢奪而益勵貞操邑侯鄒公堯臣致禮獎異扁曰  
玉壺冰清年七十三卒

廩生孫鏜妻李氏諳識詩書稔知大義每於女紅餘暇  
讀古幽貞賢烈輒慨慕稱賞年十八歸鏜生子濤夫  
病瘦顛天求以身代夫卒時年二十四哀哭幾□復  
甦者數次水漿不八口者累日乃酌議自遣曰予有  
煢煢幼孤忍效溝瀆之諒何以下報冥冥乎於是淬  
心矢節勉力撫孤如古辟纁伴讀調丸勵苦者孀居  
四十餘載屢膺院獎給粟帛加禮賜扁異之年六十

四卒

奉建坊  
現豎府城

婦死卽死耳但勿傷吾舅屢以身翼舅賊遂泐之血漬  
鼻尚不絕聲數斫方殞併殺其舅一時與難者有王  
維南妻傅氏併義婢福貞誘脫主母寡婦張氏而代  
死焉柔弱女子而有烈丈夫槩諸名人皆爲之立傳  
義士王賓臣妻林氏年十三歲歸王孝事姑嫜夫殉國  
難林年猶少懷孕生子矢志靡他操冰課讀人無間  
言年五十餘而終

王俊德妻邱氏丙戌亂兵剽掠邱被獲欲脅上馬當攜幼  
兒在手賊殺其兒曰汝無後累可隨行矣邱憤罵被戮

瀘溪縣志

卷之八 人物

五一

何俊妻余氏年十八夫死懷孕三月母欲奪其志余自  
誓靡他撫其子而終焉

傅盛三四妻彭氏年二十歲失夫幽靜貞烈教育後嗣  
年九十而卒

庠生魏萬妻鄧氏被兵執將污之不屈殺一子不屈復  
殺次子瞑目大罵以幼子投於僕曰好存後卒死之  
傅廷亮妻曾氏遇賊強執欲污不從撞石而死

傅元亮妻林氏孤處亂世事姑以孝聞而操若冰霜終  
始不渝此勵節之皎皎者邑侯張獎扁節勁賢能

魏仲華妻丁氏孝以事姑行不踰閫丁亥亂陷寇中將  
汚之罵聲不輟賊怒置旗竿試箭聲愈厲至喉斷乃已  
魏羽妻高氏丁亥寇亂奉姑匿山谷問賊執姑將刃之高氏  
抱姑求以身代良久欲擄之去不屈遂刃其姑高伏  
尸哭罵竟死無一屈語

魏昂妻傅氏年十六歸昂昂

病連年侍

藥不倦後昂卒無子明季寇

亂或勸之改嫁爲自全計傅泣不從丁亥至壬辰兵寇交  
訌奔逃困苦畧無悔意居恒紡績易人菑汲終身不  
受餽遺其苦節無有與方者

瀘溪縣志

卷之八

人物

五二

石英妻龔氏年十八 守節撫子奉姑冰霜自勵享  
年八十而卒

傅玉辰妻余氏年十七失夫懷孕三月撫子奉姑終身  
守節邑侯朱獎扁曰雪白冰清

于榮二妻張氏少失夫姑亦孀居家貧無以供菑汲張  
服勞奉養始終不倦鄉閭咸以節孝推之

鄉耆王梅溪妻蔣氏年十六歸王梅溪客卒金陵蔣方  
二十齡遺腹生子撫先室楊氏所生四子不啻已出  
事姑以孝清操六十載享年八十三按臺給扁節慈

並美

庠生曾大年妻程氏年二十三土寇擾境寇刃其夫復殺其子程避溝中得脫痛夫與子哀毀幾絕矢志堅守三十年謝粉黛勤紡織不御肉食不踰閭閻請繼親姪以承宗祧室懸磬而節水霜此貞操之極苦者也李龍友妻王氏妍節卽喪所天時遭兵燹困苦流離所百不奪其守迄今髮鬢鬢矣尤兩髦是悼至其訓子隸庠克家裕後又其素優云

孫玘妻黃氏以妍節棄兩髦止育一女其尊長及母氏咸

瀘溪縣志

卷之八 人物

五三

以無子諭再醮黃矢死不二飲冰茹荼甘若飴然歷試百艱老而彌篤閱年六十有三無子而守允稱苦節吳潮廿一妻盧氏芳齡喪夫矢志堅守待繼子若親生其子亦感而孝事之享年九十餘蓋亦天壽貞操也石璜妻萬氏文器第七媳也幼就女傅七誠宿諳歸石三霜卽賦柏舟足跡不踰壺闕言笑比之河清締創有加訓課無替盖冰蘖霜嚴歷老彌厲者矣巡道耿給扁熊荻嗣□

邑庠丁亨妻倪氏厲志守節事姑能孝其姑憐而愛之

□□言字□□片刻不使之離也丁亥遭兵義不從污厲  
侯區公□□猶含糊噴血斷喉而亾

林品行□□年十九喪夫遺孕生男公姑因其年少屢  
石□□字□李守志不奪孀居五十餘載歷盡艱辛其節

□愈□蓬首辟績課子不倦後子克義以文名寇庠而  
李不及待矣閭里稱而惜之

丁叔旦妻梁氏德貌雨全而失意于其夫梁安之畧不  
見怨詔壬辰遭寇強污不從罵賊而死

傅華妻周氏年二十喪夫遺一子家貧不能自贍族衆  
勸之改嫁周正色曰華半生止有此子倘撫成立雖

瀘溪縣志

卷之八 人物

五十四

貧亦甘遂咬指爲誓後丁世亂艱辛備嘗其節愈貞  
子亦克家鄉里咸欽羨之族具公呈于縣邑侯李獎  
扁曰節懋松筠邑侯張獎扁曰節壽流芳

龔氏小字某姑燦六之女年十八未適人扶母避寇被  
賊執欲挾之去不從強污之必不從威之以兵引頸  
受誅遂遇害

劉翼甫妻石氏勤儉孝敬內則素嫻年二旬內生子未  
育迄三十自愧無嗣勸夫娶妾夫不允泣告曰不□  
有三無後爲大夫感其賢要邱氏歸始終□□□□  
樛木風後邱氏生子蕙石撫之如親生□□□□□

髮延賓雖柳母陶姝不是過也蕙佩母訓弱寇遊庠石享年八十有八福履成之君子謂其可以風世矣

邱平瀾妻李氏年三旬夫逝育四子奉舅姑勤婦道庭

無間言守志不逾始終如一享年九十有八邑侯李旌

扁曰節壽雙美

魏裘妻林氏年二十而寡遺腹數月產男公姑慮其年

少欲令再醮林撫兒坐臥小樓數月姑舅知其志不可奪遂聽之事二姑家姑以無兒見凌於其側意憤甚林勸解之曰如媳遭此不幸更復誰怨願有以相容姑遂

瀘溪縣志

卷之八 人物

五十五

豁然不復校出入獨與林偕者終其身夫二姑之間難爲婦今持身冰潔并令其姑泯爭妬之嫌唯其勁節足以相服而誠孝足以相喻也

李挺妻王氏孝慈並著挺遭寇死婦被執強污不從大聲詈賊鎗之顛仆卒不得死既而疫疾大作公姑伯叔舉家二十餘口不半載盡喪衣衾棺槨王一力支持事既平家徒四壁矣王撫二歲之孤屢歷

危苦畧無變志

終其身不遊寺觀不履戲場此其爲節又非特爭死一時也

儒童鄧守謙妻饒氏自幼隨父讀書通女誡年十五結  
褵守謙踰三載而藁砧不祿氏哀慟欲以身殉姑爲  
解慰謂婦有遺腹尙念宗祧無以死傷生氏醒悟五  
月而孤產自是竭力孝養篤志訓課嘗曰吾之不死  
汝父爲若也抑又絕葷茹素施谷施藥施棺仁心爲  
質者凡四十餘年子敦復領歲貢以行□有司康熙  
五十五年中丞 佟具疏題請越明年  
命下巡撫白 奉 旨旌表建坊雍正四年  
勅建節孝祠進士賀同珠爲立祠記見藝文

盧允中之妻王氏南域名門女也幼失怙恃親伯撫養  
之教以內則十年待字允中 聞而聘焉于歸之  
後必敬必戒善相其夫朞年生子伯龍再歲生子肇  
龍厥後允中告殂治喪以禮哀哭欲殉以不忍弃二  
雛而止維時母年僅二十四族人諷以改適母卽持  
剪厲聲曰我幼不得見父母長不及事公姑今所天  
又見背有子而嫁何顏相見於地下喉可斷志可奪  
乎自後聲不出戶足不踰闕長齋繡佛者四十餘年  
卒課二子成名含飴弄孫得年六十有五可謂節慈

兩全者矣

林君詔妻陳氏年二十二歲生女甫四齡生子甫二齡而氏栢舟自矢矣筭屆六旬邑侯袁公扁旌冰霜節操賜進士第知建昌府事陞雲南學政按察司副使鄒公旌扁凜若秋霜教諭南州戈居邦聞其苦節贊曰貞哉孺人二十而孀藁砧逝矣寸裂肝腸將身欲殉有子難忘溯厥失怙猶然在襁食貧操作愈礪冰霜女紅若迫寧處不遑儼如嚴訓教子以方家聲克振後裔寢昌述母之德柔順賢良述母之言正直方

瀘溪縣志

卷之八 人物

五七

剛述母之容安靜端莊述母之工筐篚玄黃母也如此百世流芳補史缺文故有是章爰從而贊之曰是誠巾幗中偉然一丈夫也哉

魏東洋妻黃氏年二十歸九載而東洋沒黃撫八歲孤太和食貧茹苦以十指易薄糜度日孀居七十餘載壽登百齡多三月邑侯袁扁獎曰節壽雙榮夫節乃人爲壽由天賜使其子孫顯盛必蚤爲具呈請旌乃沒數十年僅得附邑乘以留名惜哉

周伯泉妻李氏年未三旬夫喪事舅姑克盡婦道淑慎

清勤苦節自勵一子復早逝督課二孫若辰若捷俱登鄉榜氏之力也享年七十有八明益藩獎扁勁節凌霜二都霧龍人

邑庠盧 琬妻林氏乃天啓歲進士授山東范縣訓導陞雲南寧州學正林世第之女孫孝事舅姑克全坤貞居易處常事不具論康熙丁巳寇變流離值姑病篤里中人曰寇來矣盍舍姑亟去林乃抱姑號泣以避不數武而寇至躍坐淖泥中寇迫之起不應遙斫之頃臂攫入办媵洫皆赤寇退漸甦見聞者咸嘆爲

孝報焉嗚呼可生可殺而必不可辱節孝炳炳照耀人間質等金石光爭日月矣今其子盧欽等樹幟儒林厥後克昌亦永錫爾類之一徵邑侯汪雲鵬旌其匾曰節孝孚夫 臬憲吳存理表其閭曰節烈雙奇邑庠鄧天民贊曰坤元載物女秉爲生其德維何曰節曰貞歲在龍蛇江賊肆腥母命不辰邁此閔凶身攫八办九死一生矢志天日血濺溝塍墜崖嗣响嚼舌齊聲阿李斷臂差堪與京獨留名義泰山猶輕節祠侑饗明德維馨

林長譽妻席氏年三旬夫君捐館子稚姑孀母能茹荼  
畫荻苦節自勵家政克理孝慈備至以故嗣君一清  
定山輩杰出瀘庠先聲丕振蓋父道而母儀盡焉子  
職而媳分兼之卽方諸桓孟郝鍾之賢不是過也時  
雍正丙午母年七袞學博費 特賦律言以壽曰載  
繹篇章頌母儀妙齡早賦栢舟詩柔兼孝敬從天授  
言德工容自性施截髮延賓多欸悖和丸訓子盡提  
撕堦前玉樹三株秀緯武經文信有之邑侯汪 旌  
匾節孝貞純學院沈賜匾陶柳嗣徽享年七十有六

瀘溪縣志

卷之八 人物

五九

黃天秩妻王氏年二十四夫喪苦無伯叔終鮮兄第栢  
舟自誓敬奉二姑生養葬祭獨力支持延師訓子慈  
範足式今孫枝十餘人年已六十自是孝節雙奇  
傅體仁妻鄧氏莒州候選守備鄧夢蘭姊也體仁貿易  
遭毒巴河氏年二十四聞報卽欲身殉有子作求時  
甫二週遺孤無靠勉作未亡人剪髮擊鼓控究夫骸  
女流有烈丈夫風且耐苦持家筠操松節五十載于  
茲矣邑侯沈 給匾節慈雙美享年七十有四子若  
孫漸見成立天道其誠有知乎

邱 鏌妻魏氏年二十六夫卒撫孤守節事姑極誠孝  
家雖中落堅操不渝卒年五十二都人惜焉

黃鏡榮妻盧氏年二十八孀居子幼茹蘖飲水矢志金  
石孝以事舅姑嚴以課兒輩誠巾幗中丈夫也

儒童

徐位中妻黃氏曉章句年十七于歸值夫允病旦夕焚

祝願以身代越二年夫喪無嗣投環者再翁姑數勸  
乃止靜守三十餘年人罕見其面事姑如母常茹齋  
念佛以祈姑壽邑侯汪 贈扁玉潔冰清光邑任繁  
昌令鄒君祖頊贈詩曰節堅金石貫電虹川岳分靈

瀘溪縣志

卷之八 人物

六十

間氣鍾一片冰心寒衣月兩行血淚泣西風永拋鴛  
鏡焚珠翠不整雲鬟賤粉紅三十年來人未面朝朝  
夢斷望夫峰

邱子賢妻李氏年二十四夫卒欲與偕亡姑勸撫孤乃  
起尋痛子歿繼育孫辛勤兩世苦節能正享年八十  
有三

邱 鉉妻李氏年二十三早寡守節撫孤未幾子喪復  
撫三孫至于成立年八十有一鄉里欽之

傅上顯妻周氏年二十三而寡撫子女日勤紡績以給

衣食子尋喪有勸其改嫁者周曰顯無兄弟子姪忍去此而令祖宗弗祀耶因延族侄以嗣顯此無子而守節尤冰操之極難者

許九成妻李氏年二十四一子僅四齡夫喪貧甚其伯夫婦計奪嫁之李栢舟自誓值耿變更能自策潛所卒以全貞邑侯常旌扁曰冰雪盟心郡伯李獎額曰儼若冰霜子十公念母苦節敬養備至母病卒水漿不入口者數日既葬廬墓母子俱足稱焉

胥克長妻盧氏性至孝姑三旬瞽目氏執巾悅奉盤盂瀘溪縣志 卷之八 人物 六十一

溫清定省歷四十年如一日姑嘗語人曰吾得長享天年皆媳之賜也及母氏陳就養數載病卧床第氏盡女道一如事姑可謂孝婦也今長子謙幼子誠俱列庠序詎非婦德之所致與

李化質之妻黃氏年二十一早寡子方襁褓家貧服食不給母強他適黃矢志不渝緝績自供辛勤鞠子苦節五十年毫無遺議年七十二歲而終

魏英人妻于氏年十八英人卒悲痛迫切幾欲殉葬衆勸以公姑在堂子甫彌月宜全生以慰死者後事公

□□□□□□子以義方然家貧難度惟紡績以資  
□□□□□□勤儉七十年如一日也邑侯沈旌以  
□□□□□□之匾至今都內咸以節孝慈能推焉  
□□□妻劉氏年二十四夫歿事繼姑盡其道撫育孤  
□子有成家規嚴肅雖五尺之童不許入內庭至親子  
姓亦所禁也年踰六十族里罕見其面  
李匡如妻嚴氏年二十七夫故且無子家計蕭條以指  
工易糜食敬奉繼姑歷年五十岡有倦怠此苦節而  
孝者也

李日藻妻鄒氏年十八藻以積學見背氏勗墨莊艱苦不二屆  
六十有子步武列名鬢序其節報乎

石立文妻李氏其夫嗜學早世氏年二十有五貧寡挈  
子寄食父家一日命子歸省公姑途拾遺金八兩持  
歸告母李曰此不義物遍字召還之不受其酬侍父  
寢疾衣不解帶者彌月其節義孝行有如此  
何步生妻李氏于歸兩載其夫苦學疾殞氏時年十九  
堅志撫孤紡績課讀迄今七旬有竒孫枝繞膝蓋亦  
天眷其苦節也

邑庠生王培卿妻吳氏年二十三夫禦寇身故家產蕩然遺腹生一子紡績苦守課兒讀書眼見厥子來鳳入庠年八十二歲卒

左元珍妻許氏頗醜姿歲庚申爲山寇江機所掠迫至二都油嶺欲染氏不從遂屬刃於頸脅之氏矢死賊怒三磔其尸噫氏可謂舍生取義足愧世之鬚眉脂韋者矣宜乎元珍之不忍婚也雖然夫亦義矣

鄧覺應妻饒氏年二十二而寡撫一子年僅數齡堂遺兩老饘粥無所資氏以紉紡給養暨終喪盡禮辛勤

瀘溪縣志

卷之八

人物

六十二

匍匐五十餘年有如此節之苦者

鄧望古妻石氏少古二歲古方二十七時父染疫請命于天願以身代三夕稽顙父瘳而古逝矣氏痛絕者再外家以丁兵亂欲奪氏志氏以死謝經數十寒暑堅正不移年五十而終

□□雲妻林氏年二十二夫喪厲志冰檠孝事姑嫜迄今七

□□□□□獎扁德操儀後

□□□□□二十夫北運卒於舟矢志冰霜撫子

□□□□□玉鄉鄰稱之無間言

李復韶妻高氏大開之媳也氏年適二十九值兵燹疫癘大作復韶歿四子盡喪孑然寡處或諷其再醮氏曰吾聞仁者不以盛衰改節吾舅歿王事吾夫列膠庠理無更適逮後家產罄絕地無立錫伶仃莫依轉養於兄子士進家年八十五卒苦節貞操人咸憫然梅繩先妻龔氏年十八于歸孝姑勤謹事夫敬戒踰年育子方八月而夫故煢煢孑立饗殮莫繼有勸其易節以贍姑養子者氏疾顏拒之曰何忍含此老姑穉兒惟勤紡績以盡余戢分耳事姑以高年終且親課

瀘溪縣志

卷之八

人物

六十四

其子長而隆師其孝慈聲著於都鄰邑侯沈 獎扁  
曰節孝兩全卒年六十有九

儒童石宇式之妻盧氏玉完先生之曾孫媳盧升龍先生之曾孫女也年十八歸石門二十二歲宇式以勤讀身故氏年少無子食貧無怨足不出閨門人罕聞其聲孝養九十八歲老姑而終吁此真大家間範節孝之尤者世可多得乎哉

儒士盧瑗子禹之妻侯氏德性溫惠淑慎簡言年二十四瑗喪矢志靡他茹荼和丸以課孤兒俾振家聲人

稱陶孟焉嗟乎以家貧少寡而能冰雪其心勗子以  
噪名鬻宮不貽泉下人之恫者幾人哉宜 學憲王  
旌匾曰茹荼畫荻

傅廷珍妻丁氏年二十六夫喪守節子幼家貧惟紡績  
以資日食更能延師課兒且畢生不御酒肉循珠念  
佛而已享年八十六歲而終

鄧克敬妻林氏興悲鏡破纔二十九歲耳四壁蕭然貌  
孤襁褓薪舛取給于女紅至釜塵封而荼爲茹者屢  
矣而冰操自若持以終身苦節也族人鄧鳴贈詩曰

瀘溪縣志

卷之八

人物

六十五

河嶽日星備我身洪鈞賦予未爲貧如何正氣還天  
地不見男人見女人

周大拱妻龔氏夫死年剛念一雖糶子泣呱呱爨火不  
繼自若也苦事老姑嘗爲族娣姒力傭飯之必舍食  
以歸奉有逼之嫁者輒引繩自斃遇救方甦窮餓六  
十年以歿古所稱劓鼻斷臂者殆猶是與

鄭京都妻張氏年二十夫亡遺腹生一子堅志撫孤足  
跡不出戶庭尤孝事翁姑延師課子始終不懈孀居  
三十餘載人皆重其節孝

周行可妻李氏年二十而寡貞心不渝舉動必飭事姑尤能承順哀行之沒欲悲號恐傷姑志家人惟見其獨處之墮淚而已是誠節孝兼全者僅以四十九歲卒雖鞠子抱孫咸惜松柯之**遽腐**

周士弘妻石氏性凜冰霜操勁金石年二十四孀居不苟言笑不御采色數經變難克撫兩孤一爲郡庠一由諸生入太學髦年席厚尤酣意施予飯寒素而糜道餓無算也享年七十三而卒雖皓魄已灰殊覺光華嘗旦

瀘溪縣志

卷之八

人物

六十六

周鈞妻龔氏年二十二作未亡人操勵冰霜貞心貫日撫呱呱之雛不辭荼蓼鈞故優於學有儒林之望氏以墨莊勗其孤丸荻間備極勞瘁卒能有成長嗣奏凱於今夏爲郡諸生論者謂其矢志精堅將食報於無窮焉

程廣餘妻周氏年二十四僅生一子夫亡食貧苦守事翁姑竭力無遺計其守節四十餘歲卒年七十有二湯竒生妻程氏年二十三生子一夫死守志歷今二十七載族隣毫無遺議

石良柱翁室氏傅懿行芳躅讀螺川賀進士傳暨本郡  
梅宮詹先生序文足見其詳抑鱗聞之氏曾邁母睦  
日夕焚禱舐以舌雙眸頓眊其祇孝精誠所感何如  
也夫士鍾靈秀手詩書而握綱常天顯庸多難盡而  
氏獨能是是豈尋常女子也哉

丁汝超妻魏氏年二十八而夫喪生子一誓志守節不  
出閨門尤孝事姑嫜延師課子其子振學亦體母志  
苦讀入鬢宮都憐皆稱其苦節年六十而卒

瀘溪縣志

卷之八

人物

六十七

丁以尊妻游氏年二十九夫喪家貧無子誓志冰雪翁  
姑勸其再醮氏不聽惟勤勞以事翁姑且語言必慎  
貧無怨悔族隣咸頌洎今年六十六歲矣

黃公竒妻周氏于歸四載夫逝時氏年二十有一撫遺  
腹孤矢志靡慝孝翁姑課兒曹勤勞朝夕迄五十七  
歲以節孝著焉

鄒文珥妻龔氏邑庠龔繡之女自幼貞靜長歸鄒爲孝  
廉之晉三媳文珥穎悟過人文章高邁家頗素封氏  
好淡樸屏棄一切服飾惟孝事舅姑恪遵禮法中饋

女紅親□□及翁□世□夫盡人子□□□□  
□□昏□□無如文□以病故氏痛絕而□□再□  
□□曰□乎□何使我至□□也今而後爲媳耶□  
□□爲母□□□□□□吾□□夫猶未死也可  
不忍□□□吾夫□地□□□氏年二十孤四齡撫  
□鞠□宕□遠□□□□□飲食俱廢及差長勉  
以詩書□□泣□□□□□□學有成□奪童軍前  
矛駸駸有扶搖□勢□年且六十□□李獎扁曰  
節孝賢慈

邑庠林繼望妻徐氏年十八歸林十載夫亡矢志冰貞  
事公姑以順撫先子以慈遭耿變流離困苦清操愈  
厲且延師課讀致子漢章食餼煥章入郡庠今氏年  
八十有九永垂閨範誠無忝云

邱漢辛妻龔氏年二十六夫喪撫孤守節奉姑克盡孝  
道訓子多以義方每族隣生育濟困扶危婦德如斯  
允足風世

饒繡章妻石氏少而溫惠淑慎旣歸孝敬無違時繡章  
有文名惜學不逢年及歿氏年方三十誓死不易搯

撫二孤女甘心淡泊終身寡言笑簪荆衣練顏頰若  
範金仰彼幽貞極與燕門同苦

傳晚敬妻周氏夫死守節茹荼飲蘖操家訓氏勵志五  
十餘年厥後家門鼎盛子孫蕃衍皆謂節孝所致邑  
侯王公旌扁曰節□松筠壽登八十八歲鄉閭莫不  
稱嘉焉

儒生傅執躬妻黃氏年二十六而失所天夫喪子幼家  
徒壁立氏朱志靡他冰霜凜凜焉及媳死撫諸孫尤  
極勞瘁而性靜情閑始終無缺蓋其得天性美者如此

瀘溪縣志

卷之八 人物

六九

于榮廿二妻官氏避亂遭寇掠不從罵賊而死  
林德介妻傅氏傳晚敬女也于歸三載夫死無子一室  
蕭然能堅貞自持奉姑以終天年日勞勞於女紅艱  
苦備嘗克完令節是又人所難者

傅集聖妻黃氏早年喪夫撫育孤兒家貧無以自給紡  
績維勤冰霜之節老而彌堅

石明立妻胡氏喪所偶纔十九齡耳辟標欲爲黃壤殉  
惟憐蒙眇孤僮俛以生履貧困畧無怨心專織紵麻  
泉治其生貞守三十餘年心鏡白晝族黨白其節於

縣宰常旌以栢操松齡之額

傅迪先妻林氏年二十二歲生子甫週夫死守節飲水  
茹蘖織紵以供衣食刻苦以撫孤兒三十餘載毫無  
穢行節若松栢者也

劉枚友妻李氏年二十三被鏡興悲子甫襁褓撫孤守  
節惟勤紡績以奉公姑克盡婦道目今氏齡六十一  
歲節孝兩全真堪不朽云

業儒何禹高之妻曾氏一都曾應茂之女十六于歸克  
遵婦道年二十七夫病臨終囑以老母二孤氏感泣

以禮節哀以義制權奉姑終養葬祭如禮撫子成立  
課以詩書長曰映星幼曰焜俱列成均今氏齡踰六  
十潔白之操可光方策秋霜之肅足垂簡編

曾畢繡妻林氏生員曾鳳儀母年二十九歲夫患中風  
遷延數月日侍湯藥衣不解帶及死哭泣哀號隣里  
不忍聽聞棺槨殯殮葬祭如禮外無伯叔之親內惟  
伶仃弱息復罹丙丁歲歉茹荼蘖冰朝夕紡績母兼  
父職課子義方年四十九而終貞節彌高允是垂型  
許光元妻梅氏事姑以孝聞姑病劇露禱乞以身代更

割股肉以啖姑疾頓起而氏不獲延年遠近咸爲惋

周靖遠妻黃氏年二十二喪偶性婬而妍行孀而莊苦

守終生貧不易志若夫孝姑課子則閭閻之口碑昭然

魏茂也繼妻林氏年二十夫喪無嗣堅志筠節事翁姑無

缺禮性尤靜炸操饗殮外惟宅深閨雖至姘年人罕見者

鄧可權繼妻徐氏年二十八孀居成夫志孤子孤孫悉

本墨莊之勗年逾花甲猶曰嫠婦不出門凡歌臺寺

觀所不至也

鄧之恒妻徐氏年十九恒以鄉勇禦寇亡有富戶求娶

瀘溪縣志

卷之八

人物

七十一

氏曰夫不貧生子忍食財乎雖其貧不自存枵腹者

屢從未嘗一踰闕以受人憐乃撫孤有成年踰老至而逝

魏少英妻盧氏邑廩盧宗蕃女也英病篤子幼兼有遺

腹搶攘無門割股救之死而復生者再夫死苦節自

守事姑盡孝先姑卒姑日夜悲思者累歲子二長光

衢次光穉皆蚤歲食餼于庠

生員傅憲妻許氏年二十一而夫喪奉姑教子飲冰畫

荻堅持雅操中道子喪孫孤兩世靡依一肩獨任迄

今年屆七旬孫枝發秀家道鼎盛足徵令節矣